



六
梅
書
屋
存
橐

六梅書屋存稿

金壇馮金鈞筠涓著 鴛湖王

相楷庵輯

月夜登秋浦城呈陳勉齋鍾 毅惕亭秦 兩先生

明月映空潭歸雲帶幽石雲月遠不分蕩漾空山夕想像
像山中人長歌對空碧

齋中讀書

六經遭秦火一線懸千秋掇拾賴漢儒沒齒窮研搜一
經或數師傳授無凡儔訓詁雖俗學精蘊見源流奈何
名理家棄置不復求譬諸規矩備神化乃可游苟無糟
粕存精華亦已休從祀黜馬賈此論良悠悠

六梅書屋存稿

旅感

山形阻以深川勢往而復勞勞此百年代謝一何速揚
鞭出城闌別淚猶在目饑寒迫馳驅貧賤輕骨肉觸境
但蕭條返躬益窮獨夕陽翳平臬荷擔愧樵牧

句容道中望茅峰

初度白鹿岡山氣墮馬前比至小天竺百里皆雲煙遙
望止一峰秀色參天圓愈近峰愈多一一呈嬾娟霞光
互明滅龍氣相連綿蒼翠難畫返照何其鮮企想大
茅君乘鸞戲峰巔琪花與瑤草轉瞬三千年

七月十六日

生年未冠時意氣健如虎縱橫百千卷憑眺億萬古招
邀盡英俊唱和協鐘鼓視彼局促兒面目總塵土誰知
十年來身世泊風雨翹首望前途轉不辨三五士生值
貧賤敢復言辛苦

彭門詠懷

昔我游九華上躡蓮花巔長江祇一線挂在西峰前探
奇欲忘返下視心茫然茲邦亦靈傑巖岫紛聯綿雲龍
橫秀氣老鶴飛蒼煙迴顧百步洪巨浪聲搖天河山共
千古倚檻思坡仙

項王都彭城勢與鴻溝隔詎知千載後河水落山脊黃
六梅書屋存稿

二

樓高入雲河隄已相敵昔我過清淮憂彼爲澤國及茲
亦復然咫尺波濤迫城頭翻地軸失勢胡可說迴瀾真
不易搔首暮天碧

月夜過于氏廢園

寒街喧急柝孤月墮荒城樹老無凡影橋危有脆聲此
懷真太古清境想生平彷彿聞天籟風枝鵲暗驚

晤于梅峰

世綬

滾滾河流外黃沙晝不開我愁千里別君復隻身來客
久餘筋骨時清獨草萊且登高閣去凝睇一徘徊

舟中

水外沙無際茫茫混遠天
濤深時蓄岸風勁欲回船
浪跡輕千里餘春又一年
商量沾濁酒何處覓人煙

擬郭景純游仙

上藥可養性中藥可養身
採擷入山去瑤草琪花春
濯足向碧澗杖策資青筠
控鹿隨麕霞迴與太古鄰
路逢赤松子爲我談宿因
回首渺人世俯視皆飄塵
石壁插天青松濤半空捲
古洞開綈衍斑斑映苔蘚
中有絕俗人冥心養高蹇
紫牀拂清風黃庭披素卷
揮手招松喬拂襟謝軒冕
和鳴庭畔鶴高吹雲中大
世塗多變詐居此固應免

六梅書屋存稿

三

升高望九州杯水覆其中
飄飄混塵海浩浩吹天風
迴視蓬萊山宮闕生虛空
翩然餐霞子揮袂來相從
千秋一轉瞬容貌如青童
惜哉漢武帝空築祈年宮

宿遷真武廟鐵樹歌

磴道峻嶒將百級鐵樹當頭
龍影直不枝不葉幾春秋
沈沈寫出元天色苔花數點
斑紋鮮獨立不許蒼藤纏
萬古堅柯傲雷雨半空奇勢
拳雲煙大不過一圍高乃
踰數丈離奇天矯欲騫飛
彈指敲鏗金石響面前樓殿
疊周環向後漠漠開元關
金支翠旂露光彩雲車風馬
時往還憶昔徧賞黃山松
或蟠或峙煙霞中對此尙覺

遜奇拔何况桃李嬌春紅羽衣幾輩閒瞻眺終歲閉門
人罕到清風吹送大河聲鸞鶴橫空發長嘯

東城晚眺

城郭涵春色郊原帶夕曛溪迴徐度鳥山斷忽生雲極
目多遐想尋幽避俗氛何人吹短笛容易客愁紛

漫興

一鳥下平楚亂蟬催夕陽秋腴行不盡溪水與之長夾
岸豆棉老出波菱芡香何當擘小艇高詠答滄浪

蘆花

澤國幾千里微茫點碧流月中難辨色鷗外獨尋秋送

六梅書屋存稿

四

客誰攀贈懷人自遡游芙蓉前渡發相識藉扁舟

讀明史

真人仗劍起邱樊掃蕩櫓槍履至尊一代風雲開王氣
千秋圭鼎奠中原深宮彤史齊明德故紙檀弓誤太孫
惆悵韓彭殖醢盡九江庸豎擁牙旛

儒書又誤建文年戰血纔銷禍更延不道諸藩皆骨肉
卻教平地起烽煙六宮早已成灰燼冊載空傳紀播遷

江上秋風悲杜宇青燐碧血照重泉

青衣北去亦如斯誰遣蠻輿返舊畿令下九門嚴鎖鑰
威行萬里見旌旂南宮罷衛心原坦東市酬功事豈知

補得金甌無缺陷好教宵小快恩私

祖廟誰尋舊典章九重深窳望君王貂璫四出蠅營急
章奏紛投蝸譖忙白壞長城邊事亟盡鋤忠正帝心傷
禍端發自嘉隆後轉憶江陵執紀綱

跋故明熊襄愍公集

百萬殘軍哭杏山馳驅赴急甲親援與民請命言皆血
爲國籌邊鬢早斑千里屏藩重作鎮九重虎豹竟當關
聖朝褒卹同封墓汗簡光芒照海寰

鹿積弔明周仲馭部曹

老屋烏嘯落葉黃當年養望此山莊難將寃獄同楊左
六梅書屋存稿

五

賸有清流續漢唐馬相縱能翻逆案潞藩依樣作降王
書生定策談何易付與游人話夕陽

六梅書屋存稿終

吾師筠湄夫子金壇名諸生游徐海間數十年禹疇童
時請業日從事咄嗟帖括之學無由窺其蘊也師耽嘯
詠暇輒擁鼻高唸取法漢魏不屑屑以辭藻見長累舉
不第遂絕意進取以太夫人年高歸奉晨昏徜徉山水
晚年酷嗜軒岐書垣洞一方臂經九折以格致之功參
問切之理凡所治皆奇驗昔陸忠宣家居偶得秘方必
手錄成帙曰此亦活人一術吾師其有同心乎天不假
年竟先太夫人下世是可哀已今奉遺稿皆吾師手校
者盪蔽三復猶如坐風立雪時也至所著古文及醫學
合參等書尙擬求之其家以公同好云受業王禹疇謹

六梅書屋存稿

跋

識

有
虞

武
林
居

有竹居存稿卷上

陽湖言啟方侯卿著 鴛湖王 相惜庵輯

春江詞

天際桃花水年年向海流東風吹客去相送幾登樓坐
惜江波晚參差碧葉浮誰封三百斛遠寄董糟邱

當閩闔篇二首

海日焰仙掌九衢冠蓋闐如潮灌巨壑跳盪鰕與鱸列
戟指東第峩峩高入天主人罷朝請騶從雲連卷云昔
帥曠騎橫行青海邊功多賞無算動直千萬緡時復侈
鹵獲光液驚星躔繚垣亘數里鴉鵲飛不前鬪富及百
有竹居存稿卷上

一
卉池館紛羊綿美姬宅分占面隔忘爭妍昨聞角觴語
環海當晏然戰士老何用差足供游畋路逢金吾子攜
具來開筵赫蹠字如粟跪謁皆豪賢口吐聳霄漢目懾
沈雷淵庸知賣畚者躡屨方言旋

詔發白獸尊雅壽百寮肅五鳳三狡猊鳴吠宛家畜異
香前殿焚都下變涼燠瓊林武庫間積若盤古腹倒海
量珠犀彩虹自天屬問此來何方龍雷駭神速羲軒所
不臣萬里入賓服繪爲職貢圖伊摯粹難讀生逢時運
昌橫目享多福百靈皆公侯寶藏敢私蓄本無珍奇名
互市卽金粟崢嶸王會篇詞匹古岳瀆旅葵洵僞書誰

爲腐儒告

代日出入行

遙夜思萬古萬古此遙夜大

平聲

山頭人倒行方喧白

日東飛海西瀉

利瑪竇言地球底有
大浪山與中國正對

明月來翩翩宵奔

絕可憐堯時減一寸今又三千年自非燧人以前燭火

絕素珠何必懸中天燭龍信有神不與六龍匹北遁寒

門踞天額雙眸閃爍雞鳴開彼國安知有日月

大牆上蒿行

不周之山其高九千里何人觸額摧玄關使長風出入

於其間片葉飄飄見海外魚龍沙石乘之奔轉東南天

有竹居存稿

卷上

二

惟有白日西飛吹不還女媧煉石戲黃土奇壽那及羲

黃前泚筆盤古墓未死俱神仙眼中贏取二百七十五

萬年太古何蒼蒼中古何煌煌作書鬼夜哭自怨生鴻

荒有如激電絕光景斂之云亭梁甫都渺茫或云鴻厓

一女子歌舞傾三皇今乘白雲游帝鄉姊事天姥弟畜

文康我知洪水未滅太華頂其時十日拂枝五星聚井

金鳴銀涌甘食美寢儀態久已盈萬方欲往從之證初

劫惜哉不解鞭笞虬豹驂鸞鳳王母見漢武諱語瑤池

觴桃源田舍奴漆簡知幾行出關柱史流窮桑秦阮陰

火燔黃腸念此大拂鬱紛紛扣槃揣籥欺羣盲曷不攜

美酒登高堂飲而醉醉而狂歲月如馳此亦一時客拊
掌我揚眉君不見牆上蒿春隨百卉榮秋隨百卉萎一
春一秋自終古天亦不能爲之私北邙峯岌而崔嵬珠
簾玉枕尙不鬻都市何由表爾昔日之高貴欲求混沌
以前跡輓轡請竭昆明池晝夜兩環轉何者是夢君其
思莫嫌九州小姑與汗漫期蓬萊日清淺嬉笑多嬰兒
龍伯國人今亦非魁奇相逢但乞釣鼈具手掬虹霓成
釣絲

春暮吟

江城玉笛飛春寒芳草夜綠天南端韶華彈指逐流水
有竹居存稿

卷上

三

滿裏香風吹紫蘭少年行樂未應晚鳴箏不惜爲君彈
樓頭一曲東風喜簾幙重重自捲起當門烏柏嘶紫驪
經過臣里東家子十千買醉頽玉山當壚歌哭誰知己
醉呼明月凌滄洲海水可煮人間愁碧城落花昨已掃
彩雲飛下白玉樓明鏡朱顏豈長好當筵且脫千金裘
東風飲汝一杯酒莫遣桃花笑不休

關山月

馬首秦時月淒然似客心始知鄉夢斷不爲塞垣深處
處吹蘆管年年望藁砧秋來歸雁絕誰寄玉關音

當古長城歌

城上秦時月城下秦時骨請歌長城歌休悲築城卒築
城本自武靈起塹山湮谷遂至九千里銅人可碎城屹
然噫乎祖龍乃不死當年蒙恬才絕倫曾踰高闕驅胡
塵監軍三載只堅守於此始見扶蘇仁三十萬衆捍中
國遂呼中國爲秦人見大宛傳武皇開邊何足道蚩尤旗出
禍難料學仙雖誕心神清能決輪臺罷兵詔後來誰關
獅子王雄心誓欲吞龍荒毒河鹽積谷亂畫都護總管
徒披猖血流青海海波沸鬼兵再戰天無光寥寥殘壘
夜吹角但望玉門如故鄉帝遣角觶作人語惜其不早
生漢唐烏虜漢唐之亡讖豈在西北寇來幸有長城塞
有竹居存稿

卷上

四

長城以外去安極張裴妄語良可誅張鷟裴矩無限征人淚
橫臆

日苦短

日苦短夜有餘擣蒲六博爲君娛奉君蒲萄之美酒繞
以甲煎沈水之薰爐華燈四照鋪氍毹妖姬對襲純白
狐晏聲一曲明月徂百萬君可擲十千君可沽問君胡
爲色不愉此時氣燠如春初但恐雪花今歲無六龍之
飛不可以力挽百年迴轉纔須臾烏噓且安寢善保千

金軀

越姬歎

鬼能歌妾能語望侯門泪如雨侯門良不誣樂事天上
無燕山寒夜雪片麤唐花百斛鋪玉除貂裘敝體仍輕
裾蠟燭損目懸明珠此時萬戶斂魚鑰主人罷直窻行
酌可憐狎客爭輦金耳語連宵款東閣漏聲不絕酒尙
温傳呼緹騎前到門新翻一曲未經試餘事悠悠安可
論

浩歌

今我不樂思浩歌丹砂爲撫青海波海西萬里山嵯峨
碧城十二岷嶠阿樓居玉女笑齒瑳仙衣輕細非綃羅
咽服靈液鬢不皤天宮博戲償青蛾但令歲輪千斛螺
有竹居存稿

卷上

五

彩雲東捲來銀河時從阿母宵經過俯視下界眞么麼
肥蠟光爆如飛梭地球敲仄邱壟多曷不辟穀游天和
上清寶笈無殊科偷桃三度羣仙呵臣朔苦飢當奈何
將進酒

將進酒先作歌有口不飲當奈何橫空一黃鵠獵獵從
風過焦僥叩龍伯青天高幾多青天之高或云九萬里
燦闕隣瑠耀蒙汜往時誅蕩開咄詫徧都市蠅蝻光閃
屍乃亦畏人指酒星上言臣有薄技請以一螺幻瀛海
咸黑溺兮塞聰離朱營兮短視自地以上都茫然九關
沈沈乃在大陰裏其視下也亦若是而已矣重兮黎兮

絕地之通從此起問伊何自排天闥前有庖媧後有結
璘幸不爲西王母年衰戴勝而矐首然後可以爾月窟
碓風輪有何蹇老公謬稱下土蟣蝨臣不願神仙願流
電光周八垠喜不必賜強趙醉不必封狂秦虎豹旁睨
羣龍嗔何以贈之倉琅根倉琅根兮繫金紐市兒匿笑
齊拍手我獨哀其精已銷清狂不啜醪與糟就令呵壁
瞰神鬼憤激猶離騷天問天對方遙遙悲風蕩野火大
澤聲枯焦蛇虺久噬螫值此將安逃駕雲車酌斗杓大
言欺世非人豪高陽酈生益無取徒取牛鼎相煎熬君
但勝楮勺爲君歌且謠歌且謠不終曲憂杞人之憂豈
有竹居存稿

卷上

六

必勝流俗君不見青天萬里一黃鵠

當丁督護歌二首

丁督護來何暮欲招都護魂插箭向何處督護來前且
復一言城中浴鐵凡幾千寇來一矢噤不發倏化蟲沙
殊可憐

丁督護宜急去不去口噤噤此行得無誤圖山高海門
遙鼓統統焚麗譙督護督護爾胡憺不知其故九壇設
祭天茫然髡首緇衣遍行路

臨江王節士歌

木葉落秋士悲望蒼葭露未晞飲江水馬不肥撫長劍

徒褰衣月向海西下雲從河朔飛天風吹白波萬籟噫
噓噓草間狐兔來狺狺神鷹搏擊今其時我欲哀歌誰
和之燕趙隔千里安得高漸離

海客行

君不見燕齊海上談神仙怪民已起秦漢前珠宮貝闕
在水下曾城懸圃凌山巔蟠桃結子熟難待至今未屆
三千年神仙一變爲市闐估胡尤盛隋唐間波斯衣飾
括龍藏天方衢路鋪金錢不知何物賴中國紛紛歲泊
番禺船市闐再變爲戈鋌夷孽乃自前明延滿刺橫將
澳門堵荷蘭徑向澎湖遷鄭和尹慶互鑿空卒由闥黨
有竹居存稿

卷上

七

滋兵端

荷蘭據臺灣由稅使高宗取賂敗之

自東而南迄西北層冰夜裂

陰火燔未知三變更奚似呵壁欲問蒼浪天地球廓廓
九萬里冀州上應明堂躔沐日浴月寶光聚冠裳玉佩
何雍然一莖一葉盡靈藥窮荒安得無垂涎能將碧海
化弱水次或清淺成桑田不然分擘金翅鳥啄取巨舶
飢腸填游魂飛彪絕往返然後吾民淳閻如羲軒海客
一笑來翩翩今猶可耳無多言前一劫中亦如此君其
偕我游毗靄

春陰

亂雲如夢春無影一樹桃花闌露井何處清簫向曉吹

花陰獨立衣裳冷，
愁風雨攬芳菲。
寂寞閑庭晝掩扉。
燕子不來寒食近，
江南江北鶉鴝飛。

釣臺和韻

垂釣桐廬去，
悲歌汐社來。
乾坤兩狂客，
今古一荒臺。
隱得梅仙訣，
騷傳屈子哀。
江山標越絕，
何假霸王才。

書史氏致身錄後

淮西僧寺潛龍藏，
文孫魚服仍黔陽。
眼看白帽送燕邸，
宮中披薙紛從亡。
雲門雪庵補鍋老，
烏朝屢集哀牢疆。
西登峨眉東雁宕，
績溪奇士擔行囊。
翠華玉漏入夢寐，
涌憾翻愁歌慨慷。
吁嗟此變古所闕，
驚靈杜宇都渺茫。
有竹居存稿

卷上

八

朝臣知有故君在，
鼎鑊慘戮神揚揚。
頰恨滇南地萬里，
沐家世鎮兵最强。
榆木川頭斃胡矢，
樂安監子旋跳梁。
一龍五蛇歛然起，
可通金齒兼白狼。
子頽子帶魄先餒，
北都安得矜鞭長。
爾時香火緣竟絕，
陸法無乃天心終

讓王堞風商露四十載，
徒稱老佛歸故鄉。
吳江賓輔惜

早逝史宏尙渡蓮花洋，
楹書密記縱小異。
斧聲燭影千秋彰，
奈何蒙叟獨輕詆。
實錄但據明文星，
火焚禮葬事

容有祗取后尸加袞裳，
降臣執筆語多妄。
叩頭乞命誣

忠良

成祖實錄云方
考儒叩頭乞命

諱書遜國詎足辨，
不聞永樂時周防。
朝遣胡濙訪仙跡，
夕勅鄭和搜海航。
卦占歸妹倖脫

耳賴有稗史今能詳我思勝國幾遺老蒙叟晚年眞耄
荒拜迎馬首意自得直謂人地同三楊世間節義盡冰
炭指爲烏有庸何傷列朝詩傳借庀史便騁私臆分低
昂絳雲一炬實天譴不然萬口騰雌黃竹垞石園復何
意沿流吹沫波益狂要之此冊不可毀井中鐵匣同光
芒二十二人死不朽排雲從帝游天閭

東戎仲良

憶昨君呼雙畫橈牽衣遲我游金焦碧雲東去捲秋色
海水一片天衣飄回看北固動晴旭舉酒遙酬米海岳
玉笛聲中宿廣陵揚帆直指棲霞麓風吹積翠來高峰
有竹居存稿

卷上

九

奮飛絕頂攀秦松嵐光倒影蕩空際欲折天上金芙蓉
過江更蠟五兩屐夜闕危磯欲崩石南朝名勝落眼前
飛心已作秦淮客秦淮十里琅玕流石城艇子迎莫愁
月明忽弄紫簫曲梅花夜落吳姬樓朝來繫馬白門柳
長干女兒工壓酒當壚戲拗珊瑚鞭質取千觴亦何有
半酣便走雨花臺綠煙滿山吹不開雙鬢秀出爽明鏡
似笑客從吳下來輒然回首望江路采蓮唱罷紅衣暮
襄陽大估下揚州附書便問西津渡別來再見秋月圓
京江風物劇可憐會借仙人兩黃鶴攜琴飛過二山巔

北固二首

金焦鼎峙海雲橫山勢西迴鐵甕城六代風煙鎔石壁
五州鎖鑰枕江聲樓船夜嘯南徐市畫角秋嚴北府兵
遙望佛狸祠下路神鴉社鼓舊連營

江介西風日夜聞城頭木葉暮紛紛楚天蕭瑟秋無際
吳渚微茫望不分潮落鼉鼉沈海氣霜清鷹隼下蠻雲
蒼然暝色淮東滿獨倚危欄到夕曛

曹將軍墓行

有序

將軍地志佚其名化成中睦學士紘祠記云
唐之季有訛言青城叛者會大帥與將軍郗使
引兵屠城將軍詞其誣沈甲井中而自剄井南

有竹居存稿

卷上

十

寘祠壁屢壞巫曰神欲闕井也闕牖乃已墓又
在祠南嘉慶初家君購舊碑不獲迺立片碣焉

將軍之塚疑塚耳我疑將軍已不死千年於此專城居
更數千年會如此當時大帥何紛紛畫書一紙屠萬人
萬人勢若一敵國借一敵國傾將軍將軍能料大帥怒
不料畫書驀無據屠城令限三日間不屠且危屠更誤
怪鴟如柝城頭鳴將軍曰嘻此何聲逆巢插翅飛不到
吾城安得爲賊城流星如帛城中驚將軍曰嘻此何形
逆巢磨牙咋不止吾兵安忍爲賊兵慨然一死萬人雪
白衣巷祭眼流血下窺沈甲井水赤覆井何人徒磐石

巫言旦日將軍來神光遶井旋風雷但看石上產孤柏
朱爨合向祠陰開祠陰望井南望塚塚今不與城俱頽
就令塚亦化平地傍海猶將吐雲氣海雲布陣天際橫
自有將軍下天際烏虜將軍闕名名卻傳將軍不見唐
初年九嶼山前賜葬二百六十五膾有殘碑十六眠荒
煙

初秋偶成

山小夢亦幽涼意起我早夜來微雨過門外生秋草欲
往前谿行苔徑無人掃

述古

有竹居存稿

卷上

十一

秦以水德王掌火乃其祖餘烈燔百家燿若赤燦怒慨
從周之衰橫議塞區宇紛紛皆怪民奔蠶設強弩倘不
生祖龍造物亦殊懦叶七十二代終橫開小盤古掃蕩
如洪荒應運莫能阻阨儒數百人學本異鄒魯聚訟溫
谷中其詞已首鼠咄哉奇章公五厄輒先數未聞岩壁
間廷尉令搜取聖經猶日星詖淫竟灰土假手良有由
所惜太豪舉功隱而罪彰一炬付西楚

徙河匈奴中可以制狂孽長城亘其南尾自趨勃碣亭
戍旣立除宣房與俱撤我讀延年書邊牀叫奇絕武皇
才最雄奈何不蒯決得無衛霍流按圖氣哽噎兵行歲

益封翻恐北庭滅萬古爭一時時過力難掣於今形勢
殊安敢祖前說坐視中原民累世化魚鼈賈疏盈千言
紙上偶饒舌上策旣不行補苴蹈前轍水工亦何知寶
此比丹訣金隄高入天潰者始蟻穴蟻穴如可防君其
鑄頑鐵

過黃鵠山

落葉聲不已忽來黃鵠山山寒絕行跡時見白雲還仿
佛鼓琴意尙留松石間無由覓通隱投宿款柴關

舟夜有寄

愁水愁風夜何堪月倍明欲尋孤驛夢已隔半帆程沙
有竹居存稿

卷上

三

淨涵星彩林幽幻雨聲不應緱氏鶴無意伴吹笙

宿孟瀆江口偶成二首

孟瀆貫江口開流始元和重逢兩行省

元權察台
明周忱

宛續

池陽歌浙餽昔縮轂赴淮由白河萬艘一朝改溜淺難

經過

湖以瀆爲浙漕間道由江北白塔河赴淮國初回
空船尙從此入船制止四百石乾隆四年漕督補

熙始請改十丈大船往聞海氛惡衝要當橫戈閉戶闢旁竇形如

江有沱

明季築備倭城於瀆西
會堵正流而由支流

圖經混支幹歷久翻沿

訛自此日淹阻漲沙成陂陀塞喉使鼻飲不噓當奈何

自慕公天顏誤以支流爲
正流水道紆曲江口日淤

雲帆轉遼海粳稻來東吳

杜

句語足補唐史少陵當不認

微茫福洋路五季猶爭趨

闕世家貢道胡三省謂起自福洋

遂開伯顏

策百萬相委輸清瑄拔盜藪腰佩金虎符遮洋逮明季

宗沐徒區區龍雷倏交鬪巨艦漂鳧雛棋布百千島齎

糧滋可虞先事若左券徵之邱與于

邱濬于湛

何人好奇計

避垣甘嶠嶇小利思遠賈小勝思長驅罪言感杜牧夜

起披輿圖北溟鬱煙霧飛夢凌紫衢夢醒志吾過憂天

無乃愚

瓜洲

昭關迴首祇煙嵐小飲篷窗酒易酣一色晴波三十里

昨宵明月是江南

有竹居存稿

卷上

三

清江

閑買清江一葉舟坐看二十六陂秋多情誰似長淮水

遠送黃河入海流

東阿頂王墓

不殺沛公不都關中不渡江東三以天下讓大王真重

瞳奈何王身分五體王頭走千里虞兮虞兮馬前死藁

葬濠州長已矣我從彭城來狂嘯戲馬臺東阿拜王墓

願王心弗哀不見生當烹死當醢功狗誰骨安在牧羊

兒入秦陵空牧牛兒入漢陵毀羣雄俱化黃埃飛何論

桑田變滄海穀城古碣經千霜不書魯公書楚王王之

始封如故鄉西走鉅鹿南馳芒碭一杯亦具拔山勢下
視四山風起雲飛揚

過涿州

晨登督亢坡驚沙四蓬勃盲風擊面狂中挾蚩尤骨莽
莽古范陽遙睇蔽林樾連山太行來拔見氣突兀雲際
車輪盤高城下霜鶻摩肩州北門馳道亘如髮當年山
蕭關列郡布戎卒桃涑經變遷時露飲馬窟英雄用武
地環顧尙恍惚元封訖天寶兵力此俱竭乘權魁柄張
失馭天步蹶橫界拒馬河獨鹿表斷碣交流得桑乾兩
隄互出沒僕夫云已疲待渡意飛越漁商舟次喧煙火
有竹居存稿

卷上

十四

市頭歡笑作猛虎吟揭衣蹋寒月

有竹居存稿卷上終

有竹居存稿卷中

陽湖言啟方僕卿著 鴛湖王 相惜庵輯

過宋宮人葬地

金臺石道連通路馬首風沙日將暮片碣苔斑字半淹
依稀故宋宮人墓停車憑弔益悽然令我重思德祐年
降表僉名先謝后乞骸遙葬越山邊皋亭官舫牙旗簇
貴主昭儀同一哭雙雙入道著黃緇舍利焚來珠滿斛
就中激烈數賢妃第二筵開已豎眉直寫龐娥懷又意
館間畢命付朱絲

朱氏陳氏事
見西湖志餘

其餘流落都無狀有詔

有竹居存稿

卷中

一

俱辭帝子家更愁飛絮泊天涯不知青塚留何處得死
翻應羨麗華亦有玉顏仍被選十年靜鎖宜春苑風吹
起輦谷中雲目送宮車長不返可恨中都復上都君王
游獵歲留圖琵琶十五彈朱雁怯薛三千曳白狐龍首
黃扉門下直鷗波玉牒帳前趨何如供奉長鬚客拂襲
攜琴便入吳吳越茫茫天水碧錢唐江作明河隔曾凭
春晝戲鴛鴦那料秋風驚蟋蟀萬騎銀袍叩禁門數聲
蘆管離荒驛氈屋椒盤耐苦辛畫闌桂樹縈魂魄妾身
拚擲玉鉤斜祇恐傷心到行客行客傷心可奈何幾抔
黃土已銷磨早無螞蟻墳堪認詎比蝦蟆陵下過海島

空聞沈寶壘和林旋見泣銅駝千秋惡夢憑誰懺應乞

西方老木波

瀛國公爲僧號木波和尚

君不見雪窖冰天迷磧路燈

檠松段都難據爾時妃主盡嬋娟愴絕中宮腸斷句

宗欽

宋后有絕命詞

又不見息婦堆前石穴開月支飲器落塵埃

指理

宗頭蘭亭玉匣珠邱土賦罷冬青風雨哀

自都之固安渡永定河作

桑乾之水如游龍蜿蜒千里趨海東龍祠一扼勢尤怒

龍祠浮梁見許亢宗奉使行程錄卽今蘆溝橋怒若大魚中連弩歎南欵北無

兩涯走石移沙挾風雨上游已縱長城開下掃應驅太

行堵桃花夜落桑葉飛塵劫茫茫失今古憶昔入都水

有竹居存稿

卷中

二

方阻方城城北候津鼓車箱湫隘耳欲聾後侶乘高望

前侶黃雲四塞風怒號隔河突兀西山高皂雕橫天送

落日萬馬蹴地愁崩濤濤頭直下幾千尺牽舟徑截老

蛟脊往往膠舟把舟礫昆侖泅水衣渾脫平聲額觚肩摩

臂交戟掀公出淖仍負公抵岸登車失左舄背河百步

聲雷碾餘怒猶能奪人魄可憐歲月如流梭出都不覺

秋霜多契丹車渡法堪試

車渡桑乾見張舜民使遼錄

但見爲壑爲

陂陀河隄使者夜寘酒高齋劇笑朱顏酡臨朔荒宮久

蕪沒高梁斷碣空摩挲披圖漫指督亢坡何人燕市逢

荆軻并州卻視僅百里闔仙涉此曾悲歌逾河作客亦

非計且喜歸夢無風波烏虜歸夢且喜無風波南有長
江天塹連黃河

銅雀研歌

研爲韓城張尙書廷樞手製以貽宋牧仲先生者

論詩如論黃初前此研可與相周旋漢宮斜月影曾照
瀉淚豈獨金銅仙阿瞞文采亦人傑數行遺令平原憐
水井香姜一彈指何況銅雀埋荒煙琉璃筆斷石墨解
彼皆玉碎非瓦全瓦今縱可煉爲石力難補此無情天
建安七子爾能識遂結終古詞人緣綿津尙書愛尤劇
百字銘背何聯娟胡桃油帶錫花點已軼灌廟追甘泉
郵傳數主作佳話寶用那羨宜城飄噫昔袁曹戰河北
有竹居存稿

卷中

三

鄴西夜決鳴雷淵澄泥瀆地雜膏液歐譜尙冠諸州巔

歐陽公研譜謂相州澄泥優于石

况多古墓著皇覽秘藏遠在先秦先

玉脂鬼血互凝結白壤暈作芙蓉鮮發邱郎將摸金尉
陶家之側方窮穿盜若長陵一抔土清漳攪漉彌精堅
其間星野插東壁金氣下爍光瑩然釀成奇質信非偶
雖小亦恐蛟龍纏兵劫頻遭武安震文游竟賴韓城傳
對酒當歌尙相試還須老將來幽燕五官公宴豪舉耳
慷慨且賦三臺篇吁嗟乎西陵疑塚犂爲田西陂秋水
流濺濺詩壇盟主各雄長英名如並蔡邱懸

水經注引春秋古地

記蔡邱今鄴中二臺是也

研乎願爾享奇壽從此更閱人間一千六

百一十有六年 自道光丙戌上推建
安庚寅正得此數

大風過沙隴

不信風沙苦風沙到眼前炎天穿雪窖白日夢雷淵影
急雙雕落聲枯匹馬旋長驅踰萬里何敢薄燕然

不飲

不飲依然醉難爲塞客吟蟹胥償宦味鸚母怪鄉音城
小荒苔積山寒碎葉深白雲南望遠何處更疎砧

雪後聞西師累捷借費畊亭飲市樓乘月而歸倒

用昌黎石鼓歌韻

白日出矣無蹉跎驅車碾雪循玉河朱樓四望酌君酒
有竹居存稿 卷中

四

遠勝燕市邀荆軻昨聞西師已報捷夕馳露布來朝那
此時塞外白草折高飛皂雕呼鴛鴦關西老將可游獵
習唱敕勒先長哦史岑碑下小隊簇古苔手剔三摩挲
射生縱飲且爲樂番女卸鞍容媿嬰陰山西走界萬里
銷鋒灌燧知無佗指揮四郡五屬國禁中自有牧與頰
洪河流漸瀚海凍但從冰下聽馳波賈胡互市列寶玩
玉誇新琢犀新瑳行看振旅入張掖萬人鼓吹鬪頭過
軍裝鹵獲亘山積郎當鈴鐸聯明駝屯田使者復四出
史稱涼州畜牧多遣官實吏議開墾流移初募停催科
交衢絡繹地氣盛頓令絕域回陽和分疏蒲類引鹽澤

如漢有潛江有沱錦車馮僚賜持節巡行夾侍雙青娥
黃羊桐酒雜酥酪期門高宴俱委蛇圍場部勒試駁鑄
曠騎織路同飛梭遠夷慕化百宿到勝關甌越通牂柯
獻俘

廟社奏大愷風吹鬢鼓驚鳴鼉

詔書伐石紀功德曰臣籀法兼蠡蜎監儒生幸逢

聖世欲表大事防舛訛金吾放夜月輪早歸路不愁醉
尉呵憑闌縱目爵無算遙聞楚客吟陽阿太行入陞此
其尾雪光射面尤嵯峨斗杓東指列星朗下覺八紘歸
網羅巨空絳氣屬燈市金支翠旗中邊磨豐年之瑞舉
有竹居存稿 卷中 五
觴祝願今寰海無兵戈堯民擊壤偏畿甸嘯咏我亦偕
羊何奪關入蔡未足道請賡常武宣王歌

渡汶水

魯酒依然醉難爲竟夕留古來無別恨此水不西流皎
月偏催曉枯桑易感秋隔河時往返羨爾一輕舟

陳沅小像

同時呂梅墅寫

彩霞一朵從天落夢裏昆明煙水綠幻影重逢洛浦神
驚心別唱吳趨曲梧宮新語記分明小傳雕鏤付鈕生
果否黃巾偏解事不緣青瑣始知名長齋繡佛眞無那
似海侯門春易暮哭到包胥色色空

吳三桂死
沉乃奉佛

歌來李

箭聲聲破何意金闈老畫師傾城追取少年時一錢早

索夷光笑八面翻嫌大士嬾三桂妾有八面觀我昨披音見劉健庭聞錄

圖二太息明妃村畔曾題壁池留壁月待情人沉武進奔牛人

地有星月池江隔金沙非故國故國微茫話劫灰田妃遺挂

問誰開酒闌家令朱顏改琴罷昭儀白髮催從此將軍

思睥睨錦車那畏叩蘭閉夕次摩訶咏夏涼朝沿穹甸

陪秋祭梁州過眼幾亡玉阿蘊風流阿段狂連臂定呼

番女蹋籠頭還帶沐家妝騶虞禱瑤屏皎黔國園亭

供卻婦祇恨犀珠買賦難三桂客以重幣乞梅村改製圓圓曲不納輸他綾

穢題詩好當時倘憶永和門遣嫁由來是主恩石砧鶻

有竹居存稿卷中六

魂悲女帥朱波魚服感王孫便應泣向平西語多恐君

王徒自苦嫵媚終慙孫仲謀聲雌更謂桓宣武官今勝

作執金吾音薄命安能學麗華羨殺官娥先刺虎忍聞

貴主向隨鴉思陵女順治中仍嫁明助臣子若論大耻何年雪縞素當

關原慟絕劉昶雖饒愛妾心王珠宜表孤臣節不然盡

室赴邈東投老仍邀戚里封三桂子應熊尚主繳付諸蠻祠洗

氏釵因何杜餉周公妖星底事纏天市鏡破菱花瓶缺

耳見滇載記玉几金牀只暫眠珠歌翠舞都忘死惟餘晚節
使人憐脫屣能知籍沒年斜抱琵琶羞去伎淩虛環珮
想飛仙只今荒徼桑田改銅壁關西殘魄餒三桂真骨瘞關外

秋壑藏書燼欲寒，昭靈寢殿蕪堪采。

三桂有萬卷樓，又叛後卽起永祿母

陵，匆匆刀劍雨，修羅泥偶應遭佛祖呵。

三桂塑像，報國寺

想見

優婆持戒意爲伊，兵劫懺除多依然，淚洗桃花面，尺五

簾綃，售百絹魂斷難尋，洱海招顰深，宛向茅津見。

二桂逐賊

渡河始

獲沉，綺窗小立，玩蘭蓉，自著黃纒，態轉嬌，休怪尹姬

甘屈體。

沈虬圓圓瓊記云在滇，時稱那太太從母姓也。

早隨楚俗鬪，纖腰劇憐

金粉餘波遠，幾許丹青傳，委婉紈扇，嫣紅血漬新。

李香鸞

賤露葉啼痕滿。

下賈

南部煙花總勝游，眉樓人比絳雲樓。

柳願二像俱藏孫淵如先生處。

卷中玉貌如相識，何日同銷萬古愁。

觀臺灣班師四首

有竹居存稿

卷中

七

露布蠻荒入鏡歌，日夕聞射蛟，腥海霧浴馬，沸江雲絡

繹，平淮表輝煌，諭蜀文傭書，眞寂寂，羨爾水犀軍。

當代王元輔，家徒悉將材，高牙妖鳥集，露髻老巖來，幾

載辭樞府，崇朝翦盜魁，臨淮呵護遠，重睹駁雲開。

聞提督王

公得祿家居，辦賊公出，李忠叔公麾下，曾穢蔡匪於黑水洋。

昔走長安道，西師正凱歌，獵會穿月窟，洗欲挽天河，曠

騎今彌整，穹碑歲輒磨，側聞銅柱界，笳鼓再經過。

嶺南平

檄到供張具，人知健令能，朝纜千帳卷，暮更百牢微，白

羽麾，胥口黃頭織，廣陵劇憐，鼙鼓急，萬鋪正椎冰。

時方浚河

李申耆先生貽所模

內府輿圖縮本

地球結體如彈丸罡風掣向空中懸一從帝倍之世波

滔天浸淫踰百五十有八年本泰西氏書沖沙刷土不以人

力與自此地形凹凸刻露非渾圓堯時水退十日曝裂

紋龜坼蛇蜿蜒神禹道之分百川爾時崐崙碎石隨流

而下莽無數往往散列徼外兼中原命名山岳及陵阜

高高下下到眼都茫然循畫古紀有何好羨其地體天

體同覆盤旣無衡管測亦無積矩攢大圓一覽得彷彿

布算早已推軒轅九區圖籍一碁局便畫方罫應無難

惜哉裴秀謝莊賈耽杜佑生也晚各矜絕學誰流傳元

有竹居存稿

卷中

八

和郡縣有吉甫四至八到窮中邊差之毫釐謬千里方

隅遠近何由箋譬如醯雞處甕議廣厦安能準量楹與

椽抑又安能規而睇之尋尺間帝哀萬古入長夜篤生

聖祖開天關寶書玉簡百靈獻奄受重譯通諸蠻直從

須彌山麓登其巔日月出入猶轉環北勒寒門西祀虞

淵東南跨大海自古不奉正朔不受冠帶之主皆來前

月中地影計已得大半倘無職方王會篇史筆何由成

巨觀遂援斗極立表塾一經一緯依屋躔大荒內外無

不到卅載始覩輶車旋康熙五十七年諭皇輿全覽圖費三十餘年心力始告成寫

爲大圖縱廣各五丈餘分百二十幅隨方編

詔云法本郭守敬恢張天網吾能全以天度地秒忽見
雖有狸步歸蹠筌高山絕壑劃鳥道平鋪鏡面紛鉤連
此真三代所未有秦皇所藏漢武所按何庸言乾隆之
中仍改刊王母益地惟西藩武英銅版彙十冊秘笈始
命儒臣頒惜乎寒素乏阿堵借觀厓畧難精專頗似荒
岩鷓冠侶欲探元象無璣璇申耆先生今馬班早游東
觀窺善卷指南記里存真詮津逮後學心拳拳偶試長
房縮地訣模竄行篋尤稱便昨宵寄我我未讀同學燭
照羣爭先客齋晨起挂素壁開方細別勾股弦思本舊
圖果兒戲阜昌偽刻彌狂顛有此豈復持兩端顧閻胡
有竹居存稿

卷中

九

黃腹萬卷

亭林百詩
拙明子鴻

泛論形勢當從刪惟有徐霞客徒

步尋江源覈以太西術道里殊無愆先生去取洵不偏
實事求是規一班箭籌滿握珠徑寸吾乃今而知渾儀
土圭刻漏之法無他焉

互市三首

互市何年海外通往還祇借一帆風願移弱水二千里
直遶遼東到粵東

土價同金事有無少年偏羨列仙臞名山根葉憑伊采

爭換冰天押不蘆

大西洋諸國俱需
中國大黃茶葉

爆竹聲從太古前兵家在注火攻篇君看一卷商高語

不落西荒妙不傳

西洋馼法亦以勾股測算

答盛午舟

海鶴銜素書乘風向吳會飄然落我松牖間上有流雲
若飛蓋一書未報一書催櫻桃花下參差開昨復有書
附雙鯉呼童烹鯉心徘徊長飆萬里扇大壑曉蹋鼉鼉
纜鼇脚海童捧研龍女歌夢君對飲蓬萊閣天門呀豁
凌鴻濛夜半風雨撐秦松火珠驟擲百寶碎思君振衣
日觀峰俄聞金絲壁中起古彝漢碣綰蛇牙叔孫綿葦
徐生容羨君講射古闕里丈夫得志須及時南臺光祿
多威儀身導板輿歲馳驛優游殊勝皇華詩書來笑我
有竹居存稿

卷中

十

佳興敗中歲應須了詩債爲余洒掃太白樓此言雖戲
頗稱快君不先招我亦游坐看江上芙蓉秋水騎赤鯉
陸黃鶴免質當年紫騎裘

來書計及資斧故云

五人墓

市井能將義俠傳婁東史筆豔當年生啻張儉貪亡命
死笑要離耐獨眠馬骨屢售金五百

時方募修

魚腸足掩劍

三千祇憐北寺諸君子碧血依然狴戶填

閩門舟次送余丈冰懷之廣州

昨夕之月今夕來昨日之花今日開未知明日定何許
那不一笑傾千盃不然天付此花此月此酒胡爲哉金

閨亭前煙水白大鵬卧波百餘尺江魚骨美湖魚肥吳
孃斫鱸雪山積君昨作主人君今作行客南北悠悠話
疇昔未須擊筑彈哀絲酌酒銀河意超忽月亦曾照吳
王游花亦曾對吳姬羞五湖一舸鴟夷浮當年風景能
無愁問之花月了不憶至今水調惟唱吳宮秋吾生織
路等胡估歲泊吳門賦懷古旣不傍要離墓復不賃伯
通廡沈醉東風又奚取廣州花月天下奇恨不遂從君
萬里黃鵠舉

獅子林

花間石磴蹋花上石下俄聞人語響迴身左折窺石門
有竹居存稿

卷中

七

右復一穴明朝瞰穴中漸暗路偏迴語聲歷歷轉人頂
天光導我屈曲穿頃之殊訝聲寂然玲瓏石竅屢旁軼
倏又語聲壁中出時露半裏時半鬢並趨咫尺旋隔山
山坳亭子試趺坐坐見隔山水環鎖水聲鳥聲交語聲
引我再作偃僂行距門大石駭無路迎面何人側身度
循行數轉疑漸高水花濺穴方蕩搖穴間仰視深爾許
俯聽依然有人語語猶未了聲輒騰空穴答響知幾層
稍東磴道透山口石扉裂處誤西走千凹百凸一穴斜
樹根絡石何槎牙樹身徧覓不可得隔山鬢裏瞥相值
聲聲巒語誰叫呼乃是水鳥鳴山隅攝衣出穴鳥聲避

恰喜聲從竹爐沸水亭啜茗花交飛遙看老樹身合圍
須臾片叟隱石穴小鬢稱媿出復沒風吹笑語聲曩空
此必擠跪汙泥中山無十畝水一畝使人目眩更良久
倪迂狡獪真絕倫不覺狂笑驚游人獨游明日定何處
便買輕舟石林去石林響石如可尋別是天然山水音

廣武君廟

在邳之黃石山相傳君爲靈神廟卽其故居也後有黃石公祠

烏呼神龍見首不見尾神鷹一擊卽千里卓哉廣武君
國士蓋無比淮陰旣不從吾言安有仍居下邳理君其
或者感知已千秋魂魄猶應戀此耳將軍所短君所長
至今紙上聲琅琅削生倏入酈生死移兵東下紛披猖
有竹居存稿

卷中

三

區區之計只願爲假王幄中一躡足反縛終受殃君乎
安忍坐視良弓藏吾聞安期生挾策干項羽片言不合
遂退舉君之悲憤當更深何怪起雷造冰氣難阻嗚呼
風雲感會多英雄西向師事何倥傯生平不屑噲等伍
失計乃與成安同君不見橋邊孺子定可教兵家爭拜
黃石公

楊雲萊自江陵以書述楚游之概賦此答之

水有洞庭彭蠡之狂瀾山有匡廬巫峽之層巒邈然楚
塞幾千里美人含睇南雲端閑聽郢客弄白雪渚宮六
月雄風寒有書昨附雙飛翰報之愧乏青琅玕書來南

楚我西楚是夕彭門響秋雨小山叢桂風蕭蕭雜沓騷

心鬱終古河防江防語連鎖手無斧柯奈何許狂詞喧

闕徒驚天天乎得不困之以躡旅君不見琵琶亭權使

風流今杳冥黃童於此傳餘馨

唐權使俊公嘗設紙墨亭中待能詩者黃謂黃

仲劇憐蝦蟆墓陵下老商女銀篋玉撥彈飄零君不見滕

王閣開府聲華漸落寔彭郎曾此促行酌

宋開府牧仲重修此閣彭

羨門詩壓卷劇憐蛺蝶圖中舊主人繡闥珠簾捲寥廓又不

見黃鶴樓尙書碑版猶炳彪汪生得此誇壯游

汪容甫代畢尙

書秋帆製樓銘劇憐鸚鵡洲邊一抔土蘭煙桃浪沈寒湫對此

茫茫屢搔首天涯知己勞奔走撫劍長歌行路難安知

有竹居存稿

卷中

三

身世當誰偶片言我欲爲君吟且飲巴陵百船酒况復

西游七澤西騷人湯沐皆君有乘高顧盼江漢間湘東

荆南骨俱朽遂作憑陵千古人胸吞雲夢可八九慎莫

煎心嘆轉蓬九歌九辨悲回風鮒魚飯甑此間樂吾方

遙羨韓朝宗君不見青蓮高揖二千石一朝吐氣如長

虹

重題兩當軒集後寄黃藝屏

涪翁昔憇歌羅驛口授竹枝逢太白蠻花落盡噉春鶻

萬古天爲兩人惜詩孫小印傳者誰

桂未谷以山谷詩孫小銅章贈黃仲

則人道酒星又遭謫同州七子才最奇長揖三吳二千

石鳳雛彩若垂天雲展翅先愁九州窄問誰與汝逍遙
遊海上難邀釣鼇客平生所至歌且謠知奪西江幾人
席憶我曾馳東海頭洪濤怒捲千山秋風檣劈浪疾於
馬遂泊采石之飛樓青山魂魄不可作誦君狂句無人
酬戲書片葉擲江水江底蛟鼉俱伏流自此以西渺千
里衡廬七澤方鬱適美人香草備湯沐我所未歷君皆
游有如遠竄夜郎客當筵氣必凌王侯綺裘醉舞樂復
樂忽騎胡馬思燕幽四明道士骨已朽金龜換酒今何
由飄然竟赴玉京召九天咳唾隨浮漚倘教閱世似詩
祖黔州垂白仍宜州更摩巨刃抉六幕須彌震塌能無
有竹居存稿

卷中

十四

愁五十年來一俯仰長庚燭海空勞想金華幸有牧羊
兒爲拂星冠理仙斨青蓮遺集流人間除卻陽冰更無
兩封題貽我兼瑤華展向炎天氣蕭爽是夕月明連引
觴夢中恍惚羣真翔目光炯射哆餓虎魏顯言太白眸
子炯然哆如餓
虎山谷自贊謂貌
似右丞而多髯末一少年衣白袷
南朝結束沿江鄉金銀宮闕彈指見似謂今當朝紫皇
手把芙蓉彩雲裏笑余笠釣青茫茫

有竹居存稿卷下

陽湖言啟方侯卿著 鴛湖王 相惜庵輯

答龔書舸

時龔以檄辦海防事宜留蘇局

昔游太學窺

天章從君拱立穹碑旁平蠻布告字如斗氣蓋萬世威
八荒退而發篋攷圖籍西窮濛汜東搏桑寒門冰海古
不貢猶累百譯通舟航爾時祭酒布衣耳相顧不覺神
飛揚謂余嘗恥作文士苦乏猿臂工挽强軍諮記室亦
快意草檄自足驅天狼男兒墮地志弧矢斯言他日毋
相忘二十年間屢分手江東河朔雲微茫不材得飽復
有竹居存稿 卷下

一

何恤君豈遽戀官庖羊劍歌夜擊唾壺缺鬢毛欲白鬚
眉蒼讀書便過五千卷空談報

國仍無方昨冬稍喜薦書列高衢或者終騰驥功曹主
諾職雖冗所治恰已兼淮黃君於河漕兩留覽天意始
令錐處囊正期聽雨對牀話符到忽聞趨海疆軍門杖
策實奇遇距躍三百爲君狂我聞互市敝中國尺書厲
禁詞煌煌倘非商舶恣乾沒游魂何敢思跳梁以夷攻
夷有成算紅毛烏鬼今相當神龍助陣天姥下何難殲

此崐崙洋

聖清愛及一螻蟻云用上策宜周防扶胥海口開幕府

牙旗前列扶餘王奏功大愷事非久乘時更望排天閭
作為雅頌定誰讓便追臣籀歌岐陽不記戟門寘石鼓
辟雍之制如明堂

西女曲

新唐書東女國傳云西海亦有女國故言東以別之然傳不著西女厓畧也聞喚夷女主相承庚子秋四明倂夷酋晏士達拉言女主名域多喇戊戌即位年甫十九自擇國人雅那薄為婿因假西女之名賦之

估胡來自寒門北滿篋賤錢光翕施寡面新摩牝主容

波心別涌婆皇國見南史堀堞雌風晝夜侵結成颶母氣

淫淫女媧不到天全爪烏鬼長流海半陰前因莫向毘

騫叩男戴狗頭都伏寶羯末蘇毗姓偶延北史女國傳卑彌

有竹居存稿 卷下

臺與緣相輳倭國二女主名九層樓閣俯冰天北史女王居九層樓柳葉

何愁射舶穿息婦寨須分八百纏頭綵擬索三千唐書

傳郭子儀與纏頭錦三千天鷲絨褥羚羊乳瓔珞裙裾翹赤羽不數

訶陵悉莫威慣噙林邑頭黎女鹹草初青望彩蟾白蘭

侍史夕披簾北史白蘭西別有女國書求沮泮前金聚北史女王夫日金聚

封羨湯滂左玉鈿唐書武后封東女國王湯滂斂臂左玉鈿衛員外將軍夢游曾

歷中華美貢使飛車途漸改龍伯人歸失祖洲雨師妾

遠迷瀛海燭龍睡處響呼豨金屑瓶開黑靑飛牝馬朝

騰阿祿迪彌猴夜祭佛郎機隋書女國祭用彌猴施鉛約組裁紈

素厚如絹聯以朱組喚夷以鉛畫字紙面首紅彝爭暴露改號安知武嬰

文紀年欲接姁娥步自稱千八百四十二年以今歲壬寅上推當起西漢平帝元始元年

西奢香砮玉久蟲沙譙國無人駐錦車巾幗翻貽尙婢

唐書德宗以李懷婢鄱州節度使尙

後八入通雅曰當讀巴巴光外孫燕八八爲

日巴巴聲之轉也今夷酋有名甲巴巴者終當請罪除

簪珥悔聽小王貪互市隋書女國射乳呼還千小兒圓

跌畫到三孃子主黎南走俄羅斯漢夷始見于海國聞見錄名無圭黎西域

聞見錄云鄂羅斯亦女主相承齒髮都關冒頓思欲話和親剛一笑邯鄲少季少人知

雜感二十一首

航海梯山貢道便防秋何事遣戈船州分鄒衍談天外

有竹居存稿

卷下

三

槎走張騫鑿空前爲聽鼓鞶思將帥已占吳越動星躔

養兵千日應知奮况沐

深仁二百年

莽莽千山照夕烽羽書交織路何從壞陂語雜雙黃鵠

裂月光搖五白龍神藥綵繪仍互市鬼薪髡欽盡軍容

罪言自比狂言激把臂曾無阮嗣宗

萬里滄波浴日迴澳門金碧耀樓臺幾年海舶輸番賒

一夕胡僧話劫灰射影沙蟲旋變化鳴牙妖鳥久徘徊

但留誓語鐫銅柱半壁何愁忽地雷嶼名

城下珠江逼海陬城頭月暈合圍秋翻緣都會招強寇

誰徙行營駐上流
火照蛟宮眠魍魎
風腥虎穴鬪蝥蟬
武溪一曲休垂涕
已駕巾車伴少游
聞余丈冰懷將北旋

金門西去廈門蟠
誰料同安竟不安
萬竈氣蒸天影動

孤城陰落海波寒
風吹鶴唳迷遙島
潮應雞鳴汨暗灘

知有棄師三尺律
彈章此日誦侯官
侯官廖公劾奏逗遛者

百里懸車古甬東
全軍待敵駕幢艨
誰知身作奔亡計

一任兵來守禦空
三戰皆傷悲別將
九原猶視累元戎

普陀山色城頭近
偏放神光照粵東
去秋廣東言大士助陣

徽外游魂自執迷
訛言須弭浙東西
搜牢正擬屯昌國

購士何堪保會稽
憶昔曾麾楊僕部
剋期便縛李全妻

有竹居存稿 卷下 四

黑洋一戰安南絕
洗足船頭卸水犀
李忠毅公會於定海外之大洋破蔡

匪藏安南夷

捷奏欣從海外論
全閩保障倚東藩
抽丁再扼雞籠寨

撥甲三巡鹿耳門
是夕火光驚呂宋
前軍水底取孫恩

平時祇識姚南仲
鈴閣揮毫對一樽
姚石甫先生臺灣再捷

乍浦黃旗照海波
百年勁旅此橫戈
唐家都統行營盛

漢代將軍戚里多
牧馬諸屯裝鐵勒
呼鷹小隊閃金珂

煙銷塵捲須臾事
空怨山頭翠堵坡
朱竹垞曾言乍浦佛塔為賊標

兩褶帕首語綿蠻
云是明州棄甲還
烏幔曾藏陳顯達

雷符空畫李光顏
畚移骸骨填湖蕩
窖括金銀破堇山

千載句章都尉治閑田滿郭夕陽殷

三江東入路堪虞黃浦從稱第一區絕域奇珍中戶滿
銷魂聲伎廣州無將星先墜歌虞殯寶氣窮搜導賈胡
贖有山松殘壘在十年生聚恐難圖

天塹朱方扼半陲重兵列戍易登陴千尋白浪橫江鎖
六月陰風鎮海旗偶見盧循爭鼓譟又隨滬瀆撤籬籬
行人指點圖山口一旛堪當十萬師

隔岸重關竟寂然廣陵城外素旂懸酒如臧質封偏少
市有弦高犒已先共道養鷹須飽颺此間騎鶴頓腰纏
二分明月原無價添卻中秋買放錢

有竹居存稿

卷下

五

鍾阜連峰入杳冥圭黎貢使記曾經絕無封豕長蛇力
况有龍盤虎踞形安石風流宜別墅伯仁慷慨向新亭
南征諸將知多少幕府山頭請勒銘

東有吳淞擅水操狼山陡插地形高海門魚入如游釜
江介羊亡易補牢夾岸攻應張兩翼中流陣可截千艘
忽談兵勢吾誇矣餌敵今方重犬韜

聲言縱火候風狂檄斫金隄柳萬行似此攻心稱上策
待誰答背服中行沙洲蘆荻連天遠河朔芻蕘計日昂
時桃宿
聞河決無限流民知惜費儼然枵腹過淮陽

飛來謀語莽無端疾走遼東若轉丸煽逆縱能牽五鬼

陳倫炯海外圖大
西洋烏鬼凡五種

分軍那敢越三韓
騎衝元菟談何易
柝接黃腫退亦難
守險試參吳客語
此身幾處備風寒
往年渤海候妖祲
東堵成山計日擒
累荷

聖朝寬大詔翻生
荒徼覬覦心九河
檣起滄洲隘七萃
營連碣石陰少府
水衡都似昔肯教
卜式再輸金

莫謂臨安富不賞
金閭供億早難支
隔年盧橘山棚訪
先去
聲月甘瓜水遞馳
錦帳彈箏催靜婉
綃衣蹋鼓對辛

毗汾陽聲伎當前
滿恐是功成里第
時

家本蘭陵古時前
瀕江馳道直如弦
杞憂敢托千間廢
藿食方求二頃田
楚水清輕兵最弱
道州貧薄賊能憐

有竹居存稿

卷下

六

吹唇萬輩揚帆過
事後驚聞一惘然

宵分起舞聽鷓鴣
雞北斗闌干太白
低鬱鬱天門屯虎
豹

茫茫人海竄鯨鯢
金繪犒士兵何敵
瑞寺擒王史可稽

明永樂中太監鄭和
擒錫蘭山王亞烈苦
奈兒又於蘇門答刺
擒其王弟蘇幹刺
安得靈船逾
百丈
李忠毅公會造
大船曰靈船
懸軍奮掃大荒西

聞桃宿問河決有感五首

去歲奔流觸大梁
今來淫雨盜徐方
可憐客戶俱魚鼈
祇爲移家避虎狼
大江南北避兵
者被淹甚眾
驛路改馳芒碭澤
轉

輸誰寘海陵倉
徙河成迹垂千古
卻笑當年賈讓狂

荆南千里沸如雷
聞道江陵更可哀
犁石雪消傾蜀棧

洞庭浪濁擁秦灰雲飛赤鳥昭邱隱雷逐黃熊息壤開
歲費隄工三百萬泥沙一擲總難回

海疆尤重海塘工幾度

安艫幸浙東太息烽煙今未靖可能壘石勢仍雄夢中
忽睹

親巡詔徼外兼收保障功萬姓山呼狂虜拜澶淵吾憶
寇萊公

汝衛交流達

帝京千艘聞向泊臨清太平已著咽喉喻小醜須防蝮

螫情袍鎧輕裝會掩襲

明史邱福傳李遠事

膠萊間道自縱橫水

有竹居存稿

卷下

七

工游手多無賴安得圍操十六營

潞水誰當續客談重臣經國定無慚萬年至計蕭規建

五疏區分趙過諳但使墾田通塞北何容飛輓仰江南

郊圻况有賢王跡父老謳思涕尚含

林少穆先生在粵時有萬年至計一

疏引怡賢親王水利事

書元遺山集後

舉足關輕重斯文兩代爭入秦無子順終宋有淵明野
史亭何在中州集並行從敎老臣素幾輩學先生

聞荊州江溢寄楊雲萊卽答其見懷之作

去秋書到話江防楚士多應笑客狂何意駕天高浪入

難誇遶郡古隄強石移八陣迷魚復帆落三巴宿馬當
可恨金沙源最遠破山何不走西荒

吳淞東望尚兵戈此夕鄉心定若何我願大江都變酒
徑呼明月共淩波子虛氣可吞雲夢哀郢詞應弔汨羅
更酌耒陽沈醉客由來忠憤足悲歌

得袁滙川馬全五書卻寄

鶴唳風聲定有無孤塵名山絕頂指丹徒火輪煙卷三山

沒水櫃虹隨百怪驅嘉慶中夷入貢通事先譯貢物
有皮水龍一具卽宋史軍中所用

水櫃也音雜烏都藏辮髮隊分龍伯露鬢謀言有沿海
奸民及佛倫

國長人就中金珞紅禪滿略似當年職貢圖

有竹居存稿 卷下 八

百瀆無如孟瀆清早從耆老話躬畊樹經宋季諸賢拜

時任蕭家兩代爭謂唐代銀杏及
齊梁郊祀壇白塔遙通全浙簾黃

山近繞備倭城如何變起滄洲外徹夜江濤送鼓聲

里閨頻憂俠少年得人調護便驩然莫疑謝客成山賊

肯就孫恩學水仙保甲可編須見胡甸反戶流民易募乏

閒田君卿脣舌君房手知抵防秋億萬錢

寄甘露寺西林上人

毒霧橫空失素秋修羅兵劫佛先愁誰教蟠踞三山頂

祇恃嗟峨萬斛舟傳檄盡驅蒙古騎投鞭立斷大江流

天威一怒應難測爾日何能遁海陬

倭舶當年向秣陵
椎鋒曾藉少林僧
比聞西旅忠尤著
指班禪 何事南宗謝不能
刀劒腥臊汙梵夾
金銀臺殿咒摩登
請繙舊揭秦王教
此是嵩山第一燈

江上六首

江上諸屯日控弦
問誰鞭弭共周旋
廉頗飯竟三遺矢
夏竦頭堪兩貫錢
七縱七擒形易控
一裘一佩膽難堅
海門東望秋濤急
無復將軍下瀨船

八部攜家自上都
南疆碁布靖萑苻
可堪鐵甕瘡痍甚
轉使金陵指臂孤
倚閣誰呼了督護
及關難免銳司徒
平湖覆轍曾先見
扼隘何當掣虎符

有竹居存稿

卷下

九

鉛書盤挈譯語繁
枝官十輩遣和番
一鍾夕定黃龍誓
七丈朝攀白虎幡
漫把次王稱趙信
從知謀主屬張元
經過寶晉齋頭路
馬矢沈埋不忍言

夷目甲巴巴
占居書院

秦淮東貫冶城隈
番騎雙雙棘院回
累日縱觀倉庫盛
平明馳報壁門開
會盟豈厭商君詐
設伏先愁突厥猜
共笑涇陽荒草地
當時便道令公來

謂比平倭什倍難
請言明季膽應寒
監軍面索千金橐
樞府潛求八寶冠
私市中官通李錦
飛章大姓詆張紳
只今掣肘都無慮
西賊惟愁有一韓

江流萍泮百蠻通
徹曙桅燈照眼紅
祭罷鰲魚經幾日

饗來海鳥更多風珊瑚樹老爭收網玳瑁花開任轉蓬
力掃荷蘭巢穴淨史家休薄鄭成功

客談靖江之捷誌喜

喚夷抵靖江鄉民堵之江
口三遇皆捷遂揚帆去

一呼斫賊氣排山只在荒江斷岸間
白棂袒胸貪野戰花門斃面乞生還
城藏草樹千屯合石露沙洲八陣環
不費斗糧狂寇卻傲他精卒戍雄關

輿中閱王惜庵初藁卻寄

恍如酌我鴛湖間

君居有
小鴛湖

觀君抵掌時解顏
凭輿把卷

樂復樂拋卻十里礮頭山
昨者彭城枉車騎
眉間隱約識奇氣
紵衣未獻縞帶先苦抱沈疴
失交臂聞君近卜

有竹居存稿

卷下

十

司晤居鍵關畢讀天下書
此身果得此暇日
蟻視塵世皆唾餘
橫流滙洞海波惡豸蟲不蟄
化蛟鱉異人甘溷山澤
癯長劍倚天問安託
漫將歌哭抒性情誰爲安石
誰蒼生鸞翔鳳翥恣腕力
河朔早以能詩鳴使我沈吟
起遙矚譬探海藏珠滿握
商歌欲和琅璈音笑折珊瑚
扣龍角自古結交無比鄰
知心相隔彌相親
附書試質陸內史
謂春
堂僕亦江湖一散人

孝子筆歌贈蕭縣鄭孝子本立

浣以冰天雪海風散之寒泉
染以玉山懸圃日炙之祥
煙蒙恬逐兔老幕北對此
敢謂能爭妍古來筆陣許橫

掃畫荻勝擁盧門椽何兒燦花五色光燭天晴窗盥手
試拂拭恍若孝子蹶躅來吾前我識鄭孝子不難其志
難其年所居乃在彭城臨沛山澤間厥父遠戍踰居延
孝子甫十六隻身走窮邊母云汝父指缺節汝謹默識
無妄言西遠伊吾南抵于闐北搜烏魯木齊界縱橫織
路萬九千崎嶇八載經十死乃遇褐叟揮涕漣爲爾述
父狀引爾標父阡發視木已朽折指猶宛然得無遇者
爲真仙不爾何以怪魑妖彪悉辟易神燈導路穿雷淵
徒步負骸得歸里家惟四壁門無關有母莫養心憂煎
讀書畧識字他業誠泚顏敢期熊郭天賜錢聊以筆估
有竹居存稿

卷下

十一

當畊田我思此筆豈凡筆用之不愼成吾愆可書丁零
帖可錄臣密言可臨石壇分隸序可補笙詩戒戒篇可
繕魯公請朝上皇表可抹二惇二蔡請廢太后殘心正
筆正如誠懸驚天泣鬼蛟龍蜿蜒太乙六甲降乎斗躔
形彰談談從德星而下觀否則封諸管城任頭禿春蛇
秋蚓勿效吳兒顛左庋孔子研右列文王紘三薰三沐
更三疊卽寘高閣何尤焉玄卿之銘一旦倘入夢令我
亦陟大荒西極崑崙巔但求神藥壽爾母差勝釀金酬
直與爾相周旋

烈風蕩河朔萬木聲蕭蕭攬衣視南斗欲醉無濁醪
有東海書使我歌且謠生不操尺箠空言斬代庖撫時
致慷慨嘿嘿噓吾曹夷孽昔蠹動植根非一朝釁由覲
互市淫藥爲之苗狂徒競吐喻遺毒洪流漂銷金歲千
萬腹地愁中枵諫官幸上列厲禁嚴誅梟峩然大府帥
銅柱方南標賜茶易穢土一炬炎荒燒黑煙卷洋面龍
媪噴雲逃僉謂從此絕廣南無叫呶俄聞節使罷坐聽
民哀罄澳門夜篝火嘯聚聯千艘專征出勁旅纛下垂
兩髦到日卽左次行營環惠潮粵民特憤激羣起香山
坳搏戰再大捷夷舟沙際膠乘風蕩編秆半夕覘枯焦
有竹居存稿

卷下

三

將軍忽下令開網驅鯨鼉擺尾入巨壑吞惜氣益驕遂
窺碣渤戶索食踰百牢媢詞號恭順和幣私相要退而
擾揚粵壘逼番禺郊七閩亦震動徑犯胥江濤幕府佩
印劔三吳彌繹騷部伎雜饒吹斜封如蝟毛自吳及杭
越谿谷皆酒肴伯仲迭倡和雙聲應礪礪徒聞日報載
詎將狂虜挑養癰歲復歲已潰誰能消乍浦更黃浦搜
牢括秋毫將星白晝隕疋練衝雲梢

提督陳公

狂驅抵京口

喋血神鬼號曾未遺一矢山川歸寂寥秣陵古重鎮列
戍驚鳴鼙往還定和議深恃惟弦高棘闈禮樂地夷目
來游遨亦復宴夷艇前驅戴旌旄於時值

聖節彼此矜招邀沸天擊鼙鼓鬪富誇酋豪逾月始護
送江波照銀袍市兒慶額手幸免膏夷刀先是六月中
唐子心鬱陶杖策謁軍府火攻奚憚勞虜旣蹈深險焚
林取猿猴葦筏塞諸隘噴箭飛赤燄寸圖繪曲折目驗
殊耳剽片甲使不返千秋堪解嘲大吏各撝舌答書兼
譏褒斧柯彼自擲局外安可操烏虜蠱蝨臣抗論由草
茅流涕長太息聲難聞九霄但縱同甫筆萬言肆滔滔
謂逢不諱世槩板當傳鈔挑燈展紙尾怪奇軼諾皋願
我獨撫掌君詞仍涵渚茲變古未有尋源試爬搔攷昔
倭禍始繳人實潛招蔓延數十載邊郡經蕭條國王慚
有竹居存稿

卷下

三

未覺貢使猶乘輅日本路非遠虛聲尙難料况茲地球
底隔絕尤迢遙呶叻一女主何敢攪

天朝此必市舶藪奸商夙招搖竊窺都會盛沿海金錢
饒無計免關稅利權思倖徵會當禁私估醜類悲無聊
因之借名號突起攻舟蔽妄托龍伯種長人閃山魃我
旣杳莫測胡由搗其巢兼能廣遺賂珠貝裝刀鞘鐘表
測遠鏡疑毘密解苞所觸輒奔潰漏師資豎貂淫掠以
億計哆張詞不撓要我城下盟迫我稱平交嗾我僧馴
輩居閒助煎熬假我帑藏物分肥供老饕苟非暗糾結
安得牙行囂君看黑男女充貢同旅葵

見明史
外國傳

豈必英

圭黎始有此殊妖火輪本激水船制沿楊么云何礮尤
烈我詎無礮硝白鬼特估豎遽稱彼大僚蔭階與軍秩
學語眞攢嘈

夷書有稱世襲男爵三等將軍者

欺天漠不顧反謂能柔

調不然蠻觸耳未足當焦僂不見澎湖戰每設必伏破
靖江祇僻壤赤手偏斬蛟忍擁十萬眾當關莫敢撩飽
颺餓復煽覆轍應週遭君謀定可用終廁龍虎韜無容
賦招隱自放隨漁樵昨來閱邸報驟覺形神超

天子赫斯怒八荒思并包檻車徵二帥天命信不誚百
吏讐

嚴旨勵兵開鞞囊警駕隆車馳螳臂庸再翹方將洗兵
有竹居存稿

卷下

十四

馬壯士傾天瓢氣懾窮髮北好音回鴟鴞念此倏起舞
荒雞感中宵悠悠滄浪亭水石凌寒颯往年值此夕元
戎正翔翱金閭化金窟徹曙騰聲騰驍名蹟喜無恙鐘魚
隔僧寮安得飲君酒縱談且持螯續成靖逆記凱奏聆
韶簫

有竹居存稿卷下終

嗚呼先生秉鐸吾邑十餘年學海湛深而一官冷落鬱鬱以終可悲已憶慶幼時從陳怡齋師讀書嶧陽怡齋師所著怡齋詩草六卷丐先生勘訂付梓尺函絡繹因得讀先生詩已亥始進謁而客途風雨離聚無常嗣慶羈栖日下卽聞怡齋師捐館比回南而先生抱疴旋里亦歸道山矣嗟乎士君子不獲理筆承明潤色鴻業則思以歌詠抒其懷抱藉顯於後者今古同情迺怡齋詩草剞劂甫就屢厄陽侯浮沈難問是集得惜庵先生輯付手民道義之篤千里無間豈天之困抑者卒愛護與抑傳之遲速有數存與捧校數過曷勝黯然至詩體奇有竹居存稿跋

邁粲溢今古識者自辨之無俟贅述云咸豐丁巳七月
下邳門人魏邦慶謹跋

侯卿先生以松郡孝廉秉鐸下邳課士之餘日事吟咏
與先君子初未識面因見無止境詩賦長篇見貽遂訂
交焉厥後禹疇應童子試先君子攜之郡城獲見先生
於旅舍丰采言論如水鏡瑩然輒深嚮往數年之間往
返金陵青溪畫舫昕夕過從迄今思之猶依依在目前
也先生歸道山著作甚夥此編古近體數十首先君子
所手訂亟隨伯兄校刊敬識數語以誌顛末云爾咸豐
丁巳六月世愚姪王禹疇謹跋

有竹居存稿

跋

清籟
存稿
館

清籟館存稿

吳縣周 絲嬾漁著 鴛湖王 相惜庵輯

入法海鳴

崩厓拂層霄中裂駭奔溜勢挾松風鳴寒聲遍巖岫蒼
雲忽遮山羣峰訝相鬪咫尺昧古今瞬息踟廣袤奇卉
粲石罅崇柯迸巖竇攬衣弄明霞璀璨滿懷衷靜憩了
物理默悟躍塵囿委志託邱壑抗顏謝組綬至樂豈外
假天爵聊自厚高歌槃澗篇陶然引醇酎

包山寺

嘗聞包山寺選勝面厓谷幽絕少躋攀仙靈此栖宿每
清籟館存稿

一

懷濟勝心終歲嗟鹿鹿茲隨神仙侶緩步騁心目一徑
何縈紆繚繞貫山腹逡巡望琳宮半日達前麓金碧涌
樓臺蒼翠漬衣服天香散虛空萬籟此俱肅相傳有古
鐘文字猶可讀我栽雙石幢幢刊唐僧契元書陀羅尼經妙跡矧足
錄我來重摩挲手拓忘皦瘵天寒空山空歲宴白日速
薄暮尋歸塗樵歌互相續

初至虞山時已薄暮而游興勃然遂與似山升烏
目之巔似山有作余亦嗣響

虞山如游龍蜿蜒勢東赴及與渤澥值幡然復西顧崇
壟繫其顛牽制不容鶩羣峯互雜沓昂首類含怒負氣

屹相向咫尺作畏怖森然矗層漠各各吐雲霧周年始
來游霜霰歎盈路寒飆振羣楠萬象悉呈露澄湖滙其
下馳波渺傾注了了辨千里川原浩回互登攀豈辭勞
貪勝廼忘暮還期踏明月凌虛騁高步

昭明讀書臺

泓源迥蒼靄景物娛我懷元天萬林空曩髮煙髮開短
策肆游矚欣與勝侶偕林間聳層構云是帝子臺讀書
來山中結屋臨澗隈名編有文選曠世企雅才遺蹤雖
未湮斯人安在哉慨焉酌杯酒彌望森蒿萊

崑山道中

清籟館存稿

二

客程爭馳晷曉夢淹水宿寒塘利長風百里一帆速
沙激積波空林墮淒綠願憂生殖艱復恐歲時蹙窮冬
此流浪樂歲苦奔逐豈不懷苟安勞勞營飲啄

雅峯以歲暮詩屬和次韻

重陰厲驚飆積雪迫冬暮歲歉食力艱駒光隙中度律
身遠紛華繕性葆冲素苟能靖內擾自可卻浮慕迷方
悼前顛失學怯新悟得喪亦何常喟焉感朝露

甘此陋巷瓢塾乃林宗巾戢翼戀故棲埋齒思見焚冥
心託豪素黽勉汲古勤甯能異趨向墮業違典墳君壯
方鄉學吾衰愧無文偏師旣失地豈足張一軍因君發

遙慨浩然思古人

松郡治西北二十里蓋古之崑山也梁時建縣山

陽因以名縣唐天寶中遷治馬鞍山仍蒙崑山之名遂呼此爲小崑山

春風煦巖巒草木欣有色含滋暢羣類川原杳何極南來三百里游蹤未遑息茲峰拔平楚延緣小登陟名區古婁地食采建封域陳迹不可尋荒阡莽交織感彼入洛人馳名等飛翼豈無明哲姿乃爲功利惑託身惜非所徒然死讒慝崑山信婉戀懷歸意彌惻因感游子心毋爲去鄉國

清籟館存稿

二

胥門晚發

挂席破暝煙開櫺揖寒色月出堞影高江空浪痕直獨雁流遠音孤龙吠深黑冬嚴初未解微温易爲德靈昏晝沈沈三日不得息始識春氣蘇扶搖驗風力帆峭客意孤宵深燭花熄歲宴事遠游繁憂亂如棘

石公山

洞天深入憶昨宵靈威仙丈曾相邀毛公壇邊雲氣消松聲動地翻江潮扁舟中夜風怒號朝來鼓柁凌波濤石公山前泊小舸穿雲披霧登岩巖歸雲洞啟山之腰外象序豁中嶼嘈崩厓忽裂愁猿猴一罅萬仞通層霄

山根古佛跨巨鼇金蓮涌現光飄搖雲漿迸落璫與瑤
芝田往往生靈苗懸厓結構精舍半梯空百級何迢遙
山顛一亭仙可招俯眺宇內心搖搖直教萬里窮秋毫
三萬六千流滔滔勢與江海爭雄豪星辰拂面捫斗杓
三山弱水煙中包荒忽仙翁生綠毛雲車鶴馭來蕭騷
香風微動翠蓋飄紫鸞翔舞黃奔跳百靈奔赴聲喧嘩
馮夷擊鼓神龍驕是時冬盡草木凋欲雪不雪天寥寥
憑虛曠望心神超崑崙元圃身親遭徘徊欲去歌長謠
兩山對峙湖天高

出郭西行三四里遂達劍門峭壁摩天險怪萬狀

清籟館存稿

四

爲海虞諸峯之冠

海虞山水秀且崇崢嶸窳窳神所宮十年塵累阻幽討
竭來始獲諧初衷出郭西行不數武已睹突兀摩蒼穹
層巖疊嶂勢相引各具氣象分窳隆眾中劍門最奇特
插天秀出青芙蓉逡巡躡磴繞山腹夾道林立森長松
攀藤援葛屢回互賈勇徑造雲中峯峯勢至是忽一變
鑿天削鐵非人工何年橫遭巨靈斧轟然怒激成洪濛
元氣滲洩地維坼補天妙手難彌縫晴天裊裊出雲霧
安知坎底無潛龍雲根微迳僅容趾一罅千仞懸飛淙
解衣盤礴騁遐矚煙波浩蕩開心胸昆湖淼淼尙湖闊

雙匳對啟分西東漁汀沙堵互隱現勢與溟渤遙相通
恍疑置身在霞表翩然高舉凌方蓬瑤臺絳闕近咫尺
八紘或與羣真逢浮生鹿鹿歎何益向平婚嫁徒縈中
渺焉身世判一擲逝將遠躡松喬蹤

吳淞江歌

江空冥冥日欲暮野色橫江起煙霧西風作勢江有聲
八尺輕舟截江渡沙迴岸曲村樹稠百里一望皆平疇
海潮入江縱凌厲至此殺怒低潮頭東南巨浸此其委
消息盈虛實由是是江不關尾閭湮震澤震蕩何時止
爾來上流勢日撓葑田浸長湖底高勘湖剡蕩聊復爾
清籟館存稿

五

官司膠擾徒煩勞已成積患久終殆我恐桑田復成海
悠悠水利置不論此事還應屬眞宰我今西去江水東
寄語海若迴東風歸塗默計里三百不須日暮悲塗窮

行經靈源寺登碧螺峯

已入招提境來登萬仞峯雪消初見路僧午始聞鐘雲
氣數山雨濤聲半嶺松隔湖遙指處縹緲白雲封

灤西

行行忘遠近一徑入寒林樹色冷幽谷泉聲清素心橋
迴雙澗合天小眾山深古刹知非遠時聞鐘梵音

木瀆

卸帆木瀆口卻望姑蘇臺山勢圍原野煙光接草萊雲
邀斜日去風劃市聲來此際幽懷愜中流故泝詞

九日登高同似山

峭壁捫蘿上松陰枕石眠秋容多在樹山響不因泉楓
葉明遙岸蘆花澹花澹遠天擬尋林屋洞一櫂破蒼煙

登武山望教場閱武

命侶升崇嶂憑高望開濃陰沈大陸積氣上層臺烽
靖閑戎政時清老將才由來太平日武備最先推

白沙嶺

峻嶺畏難度籃輿行復休岳雲沈壑黑鳥道入天秋橋
清籟館存稿

六

柚山鄉晚風濤澤國秋疎林下黃葉飄忽赴溪流

偕非石四香滋田似山登碧螺峯觀王文恪題名

穿林陟層巘命侶一來過黛色前峯迴煙嵐隔浦多古
今餘片石天地此雙螺搔首懷高躅臨風獨放歌

縹緲樓

爲攬靈區勝招邀訪壑舟樹敬根戴石橋轉岸當流黛
影霽浮檻湖聲寒入樓蒼茫認林屋指顧約重游

舟次

霽景開長望千林宿霧收野兼寒色迴潮背夕陽流客
路隨楓岸人家枕荻洲九峯空滿眼渺渺動離愁

西湖

峰峰瀉影渺湖天，緩櫂衝寒任泝泝。疎磬晴催三竺曉，垂楊春裊六橋煙。西陵歌吹埋黃土，南渡山川泣杜鵑。放鶴亭空還悵望，伯圖興廢總堪憐。

敬光庵

俯壑緣流磴道長，捎雲蔽日盡簷簷。到門恰有雙峯翠，拂輿猶沾一徑香。野色稽天城闕迴，暮濤殷地海門蒼。憑闌曠望增惆悵，廢苑荒陵滿夕陽。

破山寺

背城分隴磴橫斜，盡日籃輿躡亂霞。石破龍飛開梵境，清籟館存稱

七

樹深雲斷忽人家。殿幽庭砌見流水，僧定禪房聞落花。一勺清泠沁心腑，擬從緇錫送年華。

渡黃浦入龍華口

西風瑟瑟浪花生，側柁披帆不計程。賈舶萬檣團水市，縣城三面走潮聲。碧天無際晚鴻急，紅日欲低村樹明。擬向龍華問陳迹，平蕪深處有人耕。

雲間雜詩

入浴當年竟不還，故園東望淚潸潸。空餘黃耳孤墳在，草色萋萋鶴唳閑。

短短蘆芽翠色濃，峭風密雨斷行蹤。水雲亭外潮初落，

爲寄離愁到九峯

循山行三四里達白沙

緣源經百折數里得山村地僻人民古林空鳥雀喧濤
生新漲澗雲散晚峯尊絕境無塵跡山家晝掩門

中峯寺

微徑穿雲度招尋到上方境幽知地迴禪定笑雲忙羣
木冷遙靄數峯明夕陽何因遠塵俗緇錫共徜徉

露筋祠

遺跡荒江久宋然平蕪喬木迴含煙斜風細雨祠邊路
零亂陂塘落野蓮

清籟館存稿

八

消夏灣口占

縹緲峯巒擁鬢鬢千家臨水鳴迴環滿林黃葉蟬聲老
秋色先過消夏灣

清籟館存稿終

太湖三萬六千頃洞庭東西峙列度必有英絕領袖之士出乎其間顧自新城長水而後提唱無人岩居穴處幾淪於木卒草亡是可慨已嬾漁先生好學深思頤性養壽工詩詞善草隸求者日眾先生隨手應付靡弗精妙聲聞吳下咸以不識先生爲憾其詩幽深刻露直入康樂之室謂非山川裒其靈襟草木供其驅使者耶其所居當西山之偏就古梅庀小閣老榦盤屈南枝槎枒每屆花時如游香雪海中亦山居勝概也

甘岩王褰之謹識

清籟館存稿

跋

一

鍊石齋
存真

鐵硯齋存稿

餘杭曹德馨孟明著 鴛湖王 相惜菴輯

左忠毅公遺印歌

印六曰左某某曰癸未文魁曰古之遺直曰抗
疏傳經曰紫微太微閒人曰月當太斗公之鄉
人吳廷康拓之屬賦

紫微太微黯妖孛大星夜隕化堅石鐵筆鐫成名不磨
朱沉猶沁萋宏血公就逮時月入太微犯左執法沒之
夕白氣長數百丈掃尾箕閒上貫紫
官 神宗末造安怠驕三十餘年不視朝公疏暮入帝朝
出陽曦一燭羣陰銷中外忻然識名姓楮墨流傳重私

鐵硯齋存稿

一

印繡衣持節指津門時也貂璫勢初橫地租普免十三
場羣奸側目談克政請建學罷典兵移宮一疏尤錚錚
泰三號不可更選侍禮不可輕願息耻辱圖中興飢寒
亟救遼東營凡茲建白盡宏議古之遺直欽朝廷難得
同心皆正士偉哉柱國四君子獬廌旌左龍紫闈
竟莫殲封豕噫吁嘻萬燬死中官煽毒始向高逐諸賢
黨禍起魍魎書見白日昏傳家兒子何蟲豸四疏求去
帝未俞奮筆更上孫公書葉公魏公皆贈句印華屐尾
會鈐朱往見公贈魏廓園先生
詩會鈐抗疏傳經印抗疏傳經是素志斑斑
淚漬紅饌飮二十四罪卅二斬闖兒奪氣怒目闖巧借

封疆舉一網緹騎紛馳納穿坎九天躡黠立雲垂蒿長
金殿鳴狐狸六君同日就詔獄狂戶灼灼生黃芝楊左

二公尤所忌杖下血肉酸翻飛鐵牀聊賦感事句茶注
猶傳絕命詞獨將壁挺報列祖白氣統如掃尾箕懸賊

三萬追家屬瓜蔓抄將連十族瑞鵲遭羅命不辰淩遲

空磔妖貓肉公舉鄉會試皆有白鵲來巢被逮之日壽州人羅一鵲公弟更見之卽向所巢者贖以

歸旋爲貓斃家人絞貓問公弟更片其肉及魏奄之敗也先自縊而後磔尸一如貓狀人皆快之吁嗟

乎我公胡不慎自珍恰繼萬楊輕擲身羣賢擇隕朝無

人不但家亾國亦傾公挽萬屯田句云我有白簡繼君胡能已與君同遊杖下矣是時奄

方借萬以覘外廷得詩忌甚必欲殺公夫萬楊已死則公之必無濟也可知矣擲其身而益其禍忠臣固不畏

鐵硯齋存稿

二

死其如人之云亾那國殄瘁何哉篋中可惜人材錄天下誰知將相臣

紛紛僞印搜難盡銓法何時更肅清公自言居京師入畱心將相之材畢

著于錄其巡城時摘發假印七十餘僞官百餘銓政爲之一清公實用世之才尤視諸公爲可惜云

雙溪道中

碧山環四面霜葉燦丹黃細路田閒轉平橋寺後藏羣

兒爭墜栗野婦拊枯桑鎮日行圖畫詩成滿錦囊

斜坑

兩山呀壁中有澗穿旁鑿石棧與爲盤旋載起載伏升

天墜淵灼灼紅樹泠泠風泉忽徹異境疇關芳田黃精

苗盛宜逢野仙

西谿交蘆菴設祀厲徵君

棋局縱橫界羣溪曲折流蘆埼風絮絮竹徑月幽幽禪
悅蕭閒地詩心窈眇秋徵君傳浙派長此一龕畱

春雪新霽獨遊南湖綠梅一樹猶盛

無事美睡足檐際朝曦紅散步沿近郭曠覽天地空微
寒若佳士尙覺春情慵漪漪湖水淨皚皚遙山封閒禽
啄乾雪清磬來林中裴裒梅花下故人殊未逢今年芳
事早暖意纒旬烘攀折亦旣盡况茲風雨重世外萼綠
華晚粧矜紗客願教畱結子不羨軍持供

傷洪子言甫之薨

鐵硯齋存稿

三

深交方兩載小別竟千秋豈但悲吾黨如何慰白頭兼
金勞遠致折柬已彌畱凶赴同時到開函涕泗流

古歡草堂集飲贈主人

游儼戀同隊棲鳥欣故林謀生一以拙遑復志高深寸
心爾何物乃爲百憂任富貴會有日行樂宜早尋故人
知此意勸我醉芳斟鮮新市蔬果絡繹薦腥熳况當值
羣彥三益咸盍簪肫然遊太古長晝樂惜惜狂奴不解
飲能爲酒人吟卽物徵典記對答無差參著述各努力
少壯亦易駸不見池館外穠華易繁陰

古劔和友人

陸剽犀象水蛟蚪寶匣英光凜尙畱鬼母拾骸嗚永夜
妖兒慄腦冷清秋一泓水影膏塗鷓雨鏢風稜氣折牛
每遇不平惟念爾封侯何日壯心酬

禹航歎

頻年洪水憶神禹今夏雨竭川無航河泥燥墳白雪
人拾螺蚌充朝糧南渠河五十里長糴價日貴百物昂
漚泥飲掘坎深復深今日尺明日尋淚血已枯百憂灼
甌漿不抵熱汗淋池塘盡涸魚鰕敗官禁屠不得賣欲
還秧錢再稱債

辱斗辱斗亟辱水頭腫背頰面如鬼日傭十夫錢三千
鐵硯齋存稿

四

明晨依舊苗根萎融風挾火吹更焦趨趨青螿育子饒
官禱雨亦旣誠鞭蜥蜴頑不靈訴荒當賄吏不訴且饑
死迎神至縣堂強官出爲禮一神便訴十餘紙謂不荒
者神監此

遊花陽有懷蘇四

微徑辨石子曲曲沿山陰羣峰環翠巒下敞蓮華心叢
篁蔓竽籟幽澗調瓊琳偃蓋樹影厚沒屐苔痕深竹橋
度野衲蘿磴立鳴禽白雲一以動涼翠沾衣襟境夷神
坦坦趣寂情悃悃蘇君好文筆願與隱巖林

秋水篇

古井不起波清泉不受污方氏有賢偶云是烈女吳烈
女儒家子家住城東隅庭前一池水照見潔白軀方氏
遣媒來殷勤辭匪誣郎家中人產十稜田頗腴願合二
姓好聘以雙明珠阿父色然喜再拜諾且俞郎家贍田
畝吾將圖啜餽一年稻水沒一年禾曠枯泉刀源既匱
江河勢東徂阿父惻然慮敗盟將駁圖鳩媒且查至切
切言囁嚅烈女恍有聞搵淚微歎吁庭前一池水照見
潔白軀奮身竟滅頂殉義不可需天根爲堅卓日馭爲
踟躕鄰媪間聲集亟拯乃得蘇阿父喟然息不謂女志
殊明且告媒言促郎設青廬未幾遂成禮綢繆束薪芻
鐵硯齋存稿

五

夫婦歡更生相對敬以愉勤儉日操作家計漸有餘歸
甯時一來臨水湔衣裙篋篋遊比目關關和王睢

登仇山絕頂

白鹿騰雲不可逢且來放眼碧天空仇城百堞猶環北
苔水三支盡向東日麗獅巖奇石翠春深雀頂晚茶紅

龍神若解昭靈異好靖虹隄祝歲豐

時方采石築海塘
山有龍神頗著怪

異

徑山

筵筵竹海雙徑以通倚筇俯視青凸萬峰長江匹練隱
躍太空天風浩浩白雲蓬蓬搔首無語微聞遠鐘澗潭

書閱誰呼螿龍

柬張眉叔爾日

白日倒行星晝見我與張君始相見舌端霹靂破太陰
賓客滿堂顏色變南北兩戒山分支各蘊靈怪羅珍奇
昆侖雪封王母嬾無意我與張君離天生張君此才隻
近來名士多於鯽蛟虬斂角清晝眠螿居空寄西湖窄
我卻摩壘張偏師鞭弭聊爲大國役別來今越十五年
我更憂患嗟顛連君無一語以慰唁欲我磨厲逾精堅
畏君不敢自暴棄猶噓豪氣橫九天君昔書來頗給我
自謂謀生無一可秀才但解博科名聚徒日擁皋比坐
鐵硯齋存稿

六

昨遇蔣君

子延

爲我說知君倜儻猶如昔酒酣耳熱意

一傾準擬秋雷排六翮曹生老矣阿母亾精神未儼力
漸愜鄉里小夫不解事輒詡先生能文章吁嗟乎男兒
生不封侯不斫頭便當萬里恣遨遊立說垂千秋胡能
齷齪弄柔翰使其心如穿窬貌爲俳優非是無以出身
者借問此藝君工不

張忠烈公遺集書後

籠稿奇零出劫灰開編隱約起風雷采薇吟罷夷齊餓
擊檝歌成祖述哀一鹿竟隨妖夢逝雙猿不報敵兵來
漫將信國推同調可惜中興著作才

悲嘉果

嗚呼母兮胡不應兒母不應兒三年于茲母若怒兒當
撻兒肌母若絕兒孰責兒非嗚呼母兮何時來歸兒有
嘉果將以貽誰

鐵硯齋存稿終

鐵硯齋存稿

曹君曹村籍錢塘少孤貧能讀等身書有志於用世好
爲沈博絕麗之文搖筆五千言立就名一物舉一事原
原本本剖析毫芒以建議本省備火隄海勸葬習儉諸
務受知於林少穆中丞旋因中丞移節他省未竟厥施
爲可惜矣乙卯歲余省墓武林冀見顏色而君奄化已
久訪得古文十數篇藏之篋中亦卓有可傳云甘岩王
裴之謹識

鐵硯齋存稿

跋

一

詩小

存如

小如詩存

吳興沈長春小如著 鴛湖王 相惜庵輯

丁郁茲罷官賦詩卻寄

涓滴能生漫衍波白雲蒼狗疾於梭當門欲翦難除草
入室翻成倒授戈自是斷才更事少須知薄譴受恩多
郵傳消息差堪慰去後循聲載路歌

集枯集苑本無端迢遞虛舟泊處難從古罷官皆脫屣
有人動色望彈冠身經畏路原如寄骨屬書生總帶寒
愁殺軟紅塵裏客一時相對淚闌干

見說崑岡烈焰焚幾於玉石欲無分龍蛇在厄原關命

小如詩存

一

桃李全僵或駭聞

事連章
大西巖

畢竟網還開一面何曾獄遂

起同文可憐爛額焦頭日猶盼蓮臺萬朵雲

不春門巷最潸然何況貧逾子敬甕墮甌已無完好地
賜環還望挽回天灰心官是逢場木太息家無負郭田
此際請君肱篋看可藏鸞婦賣兒錢

困頓依然一腐儒生涯轉使硯田蕪無臺避債思騎鶴
何物償官寫券驢徹骨窮能熬鐵漢通神技敢敵金夫
幾多馬角烏頭想看破浮漚夢亦枯

半畝園前落月遲含毫不賦七哀詩忍將公叔瘞生市
未必東方朔死饑女是緹縈能救父君非伯道豈無兒

激昂意氣豪如昔肯有書空咄咄時

繩牀掛壁室生塵竟作蕭然襍被人料得昉門無弔客
頗聞鴻案有嘉賓一壺真抵千金貴十指能持八口貧
照夜雙珠擎掌上慰他風雨落花辰

居然磊落復崎嶇把臂何人敢入林酒有疎時緣病肺
詩無懈處爲嘔心儘容一炬能焦土那禁千秋不鑄金
餘事輸君尤絕世擘窠大字寫來禽

雌黃眾口費苛求更顯元龍百尺樓官謗任他譏蓋苴
才名孰敢撼蜉蝣理須齊彼纔豐此事類亡羊轉得牛
別有饒人真樂處百城南面當封侯

小如詩存

二

肯因張角怨遭逢升斗安能奪鼎鐘官似彈蕉詩束筍
客方談虎我屠龍隨身衣食三千牘回首樓臺十二重
異日名山尋事業白雲封勝紫泥封

履屨一載數追游月落參橫鬪酒籌眼底直將奴李蔡
座中但許客羊求荒唐語成今識懊悔深譚代古憂
猶記夜涼飛騎到雙魚幾度作詩郵

餘生虎口事如塵棖觸驚魂最怕眞弱水本無前去路
罡風早有過來人期君破涕反成笑比我翻陳尤出新
鬢尾焦桐應自惜莫教瘦盡病愁身

碧雲黃葉最相思無數離愁見面時翦燭未遑揮涕語

眩囊先出快心詩世皆欲殺真無怪君不名家更有誰
安得故園歸去穩朝川煙水臥王維

鄉思菰蘆憶渺茫吟風未抵戴星忙累多那得抽身易
詩少全因作吏荒浮白昔聯真氣詎草元今讀大文章
午橋綠野平泉石何似蕭騷翰墨莊

豈是尋常賦蓋簪相將冷眼看升沉不經患難交終淺
但落疎狂病已深談藪肯輸君奪席醉鄉未許我知音
卻憐一把支離骨料理鉛黃坐寸陰

翛然果脫利名關定勝勞薪舊日顏顛倒世途皆劍脊
迷離春夢又刀環奇才合耐千磨劫清福難消一味閒
小如詩存

三

多少冥鴻嘲凍雀會應飛破紇千山

題丁郁茲四十七歲圖

君詩千卷身一捻君愁萬斛面百摺君貧與病受束縛
君才與名自騰壓憶昔傾倒始信都共喜同年復同枵
促坐抵掌及卯酉翦韭蒸蔬列盃牒廉纖宵聽雨沉沉
薄笨早驅風獵獵有酒醕我玉山倒如詩不成金谷罰
君量斗石我涓涓我談縱橫君訥訥祇覺歌呼碎唾壺
那知窮餓悲彈鋏示我巨編讀徹旦含毫綿邈氣蓬勃
金石擲地藻揆天明月在懷錦在篋蒼龍精衛供驅使
天吳馬夷互出沒縱如平原萬馬走勁如狹巷短兵接

甲冑金戈霹靂弓珊瑚鐵網蛟螭窟有時綺思落繽紛
有時細意重熨貼修竹天寒淡掃妝梨花春曉凝酥罨
大珠小珠如彈丸五字七字皆城堞爲君一字浮一白
詩未終篇酒池竭舉世何人脫皮相君身邛得無仙骨
置君金門備宿衛燕許手筆動簪笏畀君玉尺持鑿衡
吳越千將貢京闕二十侍明光三十擁節鉞四十黑頭
公鴻業炳史牒瀛洲學士寫淩煙萬目傳觀交震聳奈
何屈作塵俗吏坐使賤同廝養卒白雲蒼狗九荒唐登
簡賜環幻倉猝腰支重折行偃僕手版倒持汗沾漉爛
羊都尉前弩驅怒馬督郵後塵謁償官驢券紛紛追呼束

小如詩存

四

足牛磨因躩蹠窮日夕作送窮文好身手書乞米帖巽
蛉一子弱繞膝泉壤雙珠淚承睫一十二時無舒眉百
千萬慮似亂髮雜摩工病衛工愁楊惲呼烏浩呼咄就
中情緒繪不得是何神技敢添頰意境不佛亦不仙妝
束非儒復非俠不著一物成孤高獨立千古乃傲兀顏
曰四十七歲圖無限半騷感歲月披圖我意殊未然富
貴煙雲總一雲金張許史草木腐李杜韓歐日星揭但
得文章泣鬼神何須通顯誇門閥買絲萬手繡平原雕
龍四海傳劉勰況君年華尙富有滄曙名位不卓越以
我多君四寒暑百事無成強囁喋頭童齒豁漸頽廢蠹

死螢乾共奄忽君索我詩期必傳我對君圖氣先懾區
區工拙忍計較歷歷交游憶恍惚我歌君哭人軒渠鬱
塞磊落同磨蝎宦境淒涼詩境甘心花怒發燈花歇爭
看東野欲爲雲奚必南華眞是蝶

次郁茲留別東陽士民原韻卽賀其復官之喜

喜極翻成淚泫然好音驚破野鷗眠已拚白首煙波窟
未了紅塵粥飯緣下石無人公道在轉圜有力

主恩偏一官束縛尋常事誰許清狂嫗往賢

催詩飛騎逐塵來屢被催租喚喚夢回離恨有天摛絕藻
廣寒無地着纖埃千家珠玉爭成唾一寸肝腸未滌灰

小如詩存

五

安得牛車載束筍歌鳥擊缶當銜杯

灑落生涯託一枝縱橫譚讌夜闌時十年季布無寒諾
千古平原獨繡絲共踏波濤仍跋扈不經風雨亦衰遲
最憐粉本搗新樣碎墨零紈渴夢思

釜魚風味勝懸鶉子影寒甞百病身作吏非才偏愛好
惜官如命半緣貧曾無雄略誇鷹擊或有循聲說雉馴
盼煞使君重借寇牽帷人認卧轅民

小如詩存終

余於表孟樾坡案頭見沈君小如詩蓋其尊人春渠姑
丈手錄本也妥貼排冪頑豔丁當自是能品就其旁註
知爲吳興人乾隆己亥鄉舉其家世莫得而詳焉片爪
一鱗尤宜珍惜更願同志見聞所及有以惠我也

甘岩王褻之謹識

小如詩存

跋

一

夢

金少

綠

詩

信芳居士

夢綠詩草續刻序

武進 呂星垣 湘臯

此序見於白雲草堂集附載於此道光十五年乙未秋日增刊相記

夢綠詩者詩僧野蠶所著也野蠶事相國寺充裕上人爲師輒喜飲酒不守僧律上人獨優容之野蠶以乾隆庚寅年死其友邵太守自祐刻其遺詩一百十九首爲二卷後上人續得其詩五十三首乃并邵刻詩梓之爲三卷屬某爲序初野蠶以儒者見上人爲詩友繼出家寺中爲上人弟子上人律其下嚴獨於野蠶故人脫畧野蠶亦無他奇獨好飲酒耽苦吟旣不治僧業並忘衲履餽粥或閉戶面壁與語不答或獨之野慟哭嬉笑卽

夢綠詩草

序

一

亦非顛或訪其所知數日夜不返而上人輒命其徒卹之久之寺僧竊議曰上人哀若儒而窮卹若不已儒不相卹乃得上人卹若受卹不事事仍爲詩詩足爲儒曷髡若直以侏儒蠹釋大相國寺聞天下食住劄行腳弗足又爲若具食且天下儒而窮者千萬計幸效若以至將空釋而實儒也尙不給其首座每出解之日儒而窮而能詩而故人可卹上人頗聞卒若弗聞也者久之野蠶竟死於寺死而大梁人益稱其詩四方之士至者見其詩亦稱之野蠶不長古詩間爲之頗少頗能七言律詩多憶其親與其子蓋窮而逃於釋者登三汊河口浮

屠云天到潤州連海白山從建業過江青呈邵刺史云
四野桑麻青潑處滿蹊桃李笑含時皆可傳者至題鍾
馘圖則云得失科名關面目披圖一哭後來人其志亦
可哀也野蠶宋氏子合肥諸生

按野蠶本合肥諸生姓宋名啟祥少與先祖琢齋公
同學小試多冠其曹應舉數被放又以使酒謾罵不
齒於鄉里年三十餘棄舉業遍游名山後窮而無歸
出家於大相國寺其詩哀怨多商聲爲畫類徐文長
乾隆丙子先祖應舉金陵猶及見之丙戌客大梁時
已僧服猶時從先祖飲復畫梅見贈後以乾隆三十

夢綠詩草

序

二

五年卒其詩今中州多有之東海王欽霖慈雨識

夢綠詩鈔

僧野鷺

落花

扶荔樓高拂柳絲一年花事又離披
披鼓聲催處愁今日天詔傳來卜
再期敢以芳顏矜妒女可能綵幟
卻風姨若非御水流將出落盡深
宮總不知

杜鵑

天津橋下水涓涓心折孤舟記往年
獨爾催歸殘夢裏更誰吟拜落花
前啼難斷血情何限叫不回春舌
可憐月耿山樓秋繞樹枕敲老耳
益潸然

夢綠詩鈔

呈六安刺史邵公厚菴

萬壑中間倒玉卮政閒花鳥識鬚
眉先春亭有廬陵賦入夕樓多謝
眺詩四埜桑麻青潑處滿蹊桃李
笑含時草瓢我欲移居此烟一蓑
衣雨一犁

風騷一帶領乾坤野服從容趨戟
門海嶽有情旋隻手樊籠無路脫
高騫斷雲瓶鉢驚千里月推敲感
一言幸得神姿識龍鶴買絲真欲
繡平原

苦吟異國竟如何贏得雙顛雪作
窩典到圖書識窮路生由時命感
悲歌但將病骨支秋色聊以愁鄉
養睡魔引領片風如我借吹噓直
返舊烟蘿

黃竹編樓壁附籐在官況味只如冰清名已挂逢人舌
狹路須憐引手僧詩裏豔驚無可噫

公有和項芝堂太守書中乾蜘蛛詩

八首寰中雄怯郅都鷹他時肯蹋雙林月葉掃松杉徑幾
層

賦得江涵秋影雁初飛

繫舫江門酒醒初又驚征雁叫晴虛成行真有空中字
愁我偏無足下書紅蓼雨收秋渚靜白蘋風落晚潮徐
沉湘久已銷兵甲沙輦烟柔祇自如

畫梅花牡丹蓮葉呈六安公

莫笑頭陀畫不神故將夏景合初春誰知富貴和鹽客

夢綠詩鈔

二

本是青蓮說法人

賦得風莖時動有奇香

插竹經秋謹護持好花始得一枝鼓色曾帶月歸詩篋
香又含風上酒卮未必麝臍幽似此可能雞舌澹於斯
隔垣若少吹噓力只恐陶潛也不知

將別六州得八斷句卽呈刺史

瓶鉢垂垂苦問津遙天葉下轉傷神短衣窄袖家山酒
十五年前射虎人

遮莫雙鴉夢裏聞灤湖水漾蜀山雲漫言在處爲家好
中有牽心父母墳

征衣典盡未能歸放眼山城只翠飛卻笑我非饒措大
此行飽飫筍根肥

烏桕青黃柿葉丹歸途如畫緩征鞍此鄉風土何淳樸
難買名峰任客看

卜築雲巖學懶成未昏先睡到天明此時合有山靈笑
漏板燈花坐六城

黃葉堆門石徑斜劍峰南過是儂家歸休烟水終如舊
墮粉飄紅十丈華

上頓侯家日有齋函雲老友疊書來明年鑿雪開門後
南五臺還北五臺

夢綠詩鈔

三

莫擬江魚化後絲偶逢京尹一投詩杭州艇子金臺月
更結燒豬向後期

子賤墓

迴車拜古墳豐碑當道矗日夕聞鳴琴哀湍瀉林麓

虞姬墓

視彼溷中生何如垓下死蛾眉不負恩抔土香人齒

江上尋屈徵君斯齋

乘興雙橈駕碧潯水烟遙抹樹森森園中種菜英雄老

江上披裘歲月深三徑草連沙嶼暖六朝山護蓆門陰

等身天厚虞卿意一鍤無殊五嶽吟

春草

淺綠能遮大地塵，亂如絲復疊如茵。
闌殘野火千秋劫，鬪盡東風六代人。
池上有誰還入夢，江南無此不成春。
和烟和雨年時路，知否王孫最損神。

固陵舟中作

水楊三百樹，樹舍溪烟腥。
生曬網風不見打魚船。

訪程藕塘不值

行吟先我出，何處放扁舟。
一樹山鴿，鴿門前水亂流。

柳花

滿沙橋板翠烟稠，十里楊花吹麥秋。
暮雨半沾歸鳥翅。

夢綠詩鈔

四

曉風先上老人頭，顛狂身世夫誰耐。
飄泊生涯可自由，化作浮萍團作絮。
東皇與爾太綢繆。

玉榻興化寺得句呈彭門太守

岳壑陰幽磴曲盤，梵天一碧萬琅玕。
三更客枕河聲壯，五月雲堂佛骨寒。
佳樹不隨名宿老，好風真作故人看。
桃笙滑笏楸枰靜，君但能來相往還。

頓教無地著閒愁，世外才分半榻幽。
小閣映花兼映竹，好山宜夏復宜秋。
烟清別院成絲裊，水散平川作字流。
我另有禪叅，永日一槌詩鉢對沙鷗。

太白樓在采石磯

危樓千尺俯青蒼
簾捲飛濤落檻傍
風雅有歸卷石起
涼蟾無托大江荒
蠶叢世路嗟何險
魚腹冤魂信可傷
我欲摩崖讀碑版
未陽秋水接潯陽

閬門懷古

香溪一道響涓涓
似喚夫差水可憐
吳市鹿遊寧幾日
太湖魚豕尙三年
事成烏喙輕遺劍
國破蛾眉早上船
怪底生公臺畔石
啞然何忍說從前

初春同人過漁溪草堂

負郭堂開風日新
簾疎檻曲迥無塵
花緣山暖纔低戶
雲以溪虛欲傍人
四海朋簪能幾盃
一年詩酒此緜春
夢綠詩鈔

五

相逢况復梁園俊
捩倒尊前白氎巾

聞蛩用鳴字

忽聞唧唧一蛩鳴
便覺勞勞百感生
吟苦卽今聊自遣
鬪酣他日果何爭
亂山黃葉秋將老
短榻青鐙夢未成
知否愁心有同轍
霜絲織得鬢莖莖

霍六道中

風磴空中起巖禽
腳下飛何天非蜀棧
此地薄征衣月入深山
瘦烟依積水肥粗豪
樵子瞻每與虎同歸
欲就人間宿樵漁
問不鷹路窮千折嶺
林閃一龕鐙
老樹遮殘佛荒山
守病僧半盂分野蕨
添水蕪枯藤

青蒼舒霍境一道嶺頭分絕壁下清磬深溪留細雲累
子牛馬債慚爾鹿麋羣安得神仙術飛杯向夕曛

題固陵武園酒肆壁

欲遣鄉愁去言尋勝地來竹深艱度馬水曲好傳杯幸
得濠梁趣慚非洛下才緬懷陶謝手一掃壁間苔
便是江南地名園負郭稀橋迴山覲面簾捲瀑侵衣野
肆通樵徑春盤就釣磯固陵風日好頭白欲忘歸
眞成冰雪窟何處得塵氛片石都含雨高樓不斷雲客
非王子敬花是卓文君欲問張琴館青帘滌夕曛

同人集松公蘭若

夢綠詩鈔

六

縛茅甃石郭南原十載禪棲似野村山色晴來方倚閣
梅花開後不關門檢君壽日新春歷留客宗風老瓦盆
覓水繞厨雲繞榻新詩一卷許誰論

道經商城小祇園

半雜烟蘿掩翠微萬峰深處見禪扉白雲滿澗客呼渡
殘日一林僧補衣趁食巢鳥隨磬下到厨竹筧引泉歸
棲心頓起塵心息欲買前山種蕨薇

訪洪劍城不值

竹橋斜過不須船僦屋分依積水邊滿院綠陰雙鶴語
半鑪紅火一童眠掩書或訪圍碁衲攜錫應尋劔藥仙

我亦天涯羈絆者，打包負笈閱流年。

西澗

西澗黃鸝叫，夕陰烟嵐濃。處好幽尋閉，門不出非今日。
堦面青苔一尺深。

僻地

花向榻邊開，泉從屋上溜。僻地無行人，崖聲答茶臼。

春日雨中感懷，侍御泉莊

車塵擾擾負烟蘿，事往空山委逝波。仙夢幾年驚若此，
梅花人日怨如何。籬根半綠溪流淺，屐齒全青岫雨多。
遙憶泉莊向時路，到門騎馬幾人過。

夢綠詩鈔

七

還山後寄張北干洛下

一葉風帆兩地分，新詩高唱許誰聞。雪荒江月都成水，
山老梅花欲化雲。稚子那知朱亥里，酒人爭問信陵墳。
舊愁銷歇新愁起，三夜西窗夢見君。

徐杉泉大理石屏歌

滇南山性何怪譎，不產黃金產素石。胚胎細鏤冰雪文，
光芒遠射虹蜺色。襄陽已矣平泉老，此物多爲人棄擲。
今年訪舊龜城東，驚君構石成屏風。開軒示客客不識，
斑駁爲指藤蘿跡。金孔雀繡芙蓉富貴浮，雲勞鬼工吼
嗚何如一片石。烟月古煞池亭中，主人憐我發浩歎。千

斛慰以蒲桃空人生會合感知已寸心與石將母同

旅中雜咏

丁字簾前舊六朝芳辰幾聽玉人簫夢迴野水菰蒲外
愁在春風荳蔻梢西北有樓空切漢東南無地不通潮
桃花柳絮何輕薄紫燕黃鸝大放嬌

鳴鳩雜選乳烏飛簾敞僧廬綠蔭肥鄉夢忽焉驚社鼓
草心何以答春暉梁園宋寢多淪落流水青山少是非
便擬明朝挂帆去北湖楊柳釣魚磯

驅車越角復吳跟笑此虞翻骨相屯入世箋天臣自拙
出山治鬼道誰尊磨牛學步皆陳迹沙鳥疑人不在言

夢綠詩鈔

八

吟苦僧廬秋欲老野風時爲一推門

南來儻得近淮村日謝時流早閉門梅不倔僵材亦下
酒能酸苦品方尊饑烟一道禽嘈雜飽月千山雪聚屯
知否袁安寒臥慣蕉心三尺異槐根

半放梅花

半吐芳心欲嫁誰嬌羞十五女兒姿似窺東閣初生月
如讀孤山未定詩風定暗香微著枕雪銷疏影正橫池
酒旗歌板江南路占斷春光在此時

梅花原不厭清貧老嫵心情好結鄰萬壑白雲羈遠夢
半窗明月悟前身英華盡露非真宰春意微通是美人

卽此幾生修得到疊山吟罷欲傷神

任智泉齋中食魚同潘偶亭賦

十載書懷爾三秋夢樹吾烟波生七箸風味足江湖舉
網情何劇分題興不孤一尊登閣酒圓月在菰蒲

春陰

翻覺春陰好塵喧絕不聞峰高邀碎雨水澗養殘雲餘
冷懸鷗夢孤花伴客醺曉窗催阿魯節火就人分

食蟹代和

滿筐郭索到門遲酒正開缸菊被枝數去人間生琥珀
得來水底活琉璃三更瓦竈奴炊火五里南鄰自乞醺

夢綠詩鈔

九

風味湖鄉秋最好老饕寧少食螯詩

畫菜

自家抱瓮自開畦嫩甲吹香老屋西好句未傳彭澤叟
清齋已慣太常妻無緣鐘鼎休牽戀有分鹽醢任品題
得便閒窗謀片紙畫成蔬譜與人攜

蠟梅

騎驢破臘有誰尋檀口低開笑莫禁占斷孤山清白水
化爲纖月澹黃陰投林金彈香猶淺過嶺飽冠雪正深
色比松花香比菊可知同夢不同心

憶揚州

梅岡東北竹西南夢裏樊川酒半酣一笛晚風橋廿四
幾灣春水月初三地臨花市簾陰重城逼烟巒鳥性憨
記不分明何限事暮雲回首鬢鬢

半夢軒夜話

江楓繞郭塞鴻飛燭剪西窗夜雨微載橐書多如我少
過江詩好似君稀雲山發興唯耕研時事驚心但掩扉
十載沙寒艱一聚籬根飽看菊花歸

懷彭門太守邵厚菴邵寄

政靜官齋日著書高風太守渺懷予袖中素石懸南嶽
枕上黃河走北徐碧仰甘棠垂蔭久清聞雛鳳發聲初
夢綠詩鈔

十

花時若許乘閒訪杖卓彭門興有餘

早發

未足主人睡客行還閉門林鴉隨我起霜葉逐車翻往
昔悔窮路飢寒輕故園直行三十里負擔有人言

訪桑山古墟寺

閒到尋吟客最閒頽垣廢巷叩禪關寺存土衲唯耽睡
金盡泥神亦改顏幾族野禽巢破墟半城秋水浸荒山
白頭忽起滄桑感蹋遍斜陽未忍還

由下關復之廣陵

風落寒潮塞雁橫嚴關重泊一篙輕人間詩草無官稅

江上狂徒有酒名幾點瑣離建業半勾沙月又蕪城
不知何處潛吹笛夜雨瀟瀟十載情

寓上方寺喜潘偶亭枉顧

黃葉青苔雜幾層虛廊一道冷於冰山荒至此難爲佛
樹老如斯可但僧羈客捲簾聞雨笠箇儂入座話風聲
長貧竟病夫何憾終古人生有不能

出郭

老驥輕殘照遲遲自識村片雲樵子路獨樹酒家門野
渡舩將繫比鄰客正喧年豐多夜飲抗語論田園

贈陳沐齋

夢綠詩鈔

十一

驚座名豪孰與儔十年分手鬢毛秋尋常博塞酒樓上
春夏讀書溪水頭到死魯連惟使氣最窮原憲不知愁
詰朝說訪袁公劍夫雪揚帆下楚邱

鍾馗圖爲鄭明府題

犀垂簾押瓣香勻風色依稀顛角巾得失科名關面目
披圖一哭後來人

霜癥冷蝕劍花新三尺留防不第臣誅得官家心上鬼
鬚眉殊勝畫麒麟

仲春湯對松招集吹臺卽席分賦

客有金龜酒分香到吹臺憑臨挈高李詞賦馭鄒枚繞

郭河聲壯連天嶽色開再遊期可訂風雨放叅來
乞取驚人句層巔晚更躋草柔車轂穩雲重笠簷低大
道通儒釋名山待品題低徊古梁苑半已入耒犁
共有登臨淚離心未易論文章賤窮路泉石老芳樽明
月夢中舫梅花嶺上村青春虛白社回首欲黃昏

幽居

溪山六月有秋意隔水柴門對竹開已覺一塵飛不到
清風猶爲掃千迴

同錢朱厓過松公精舍

幽尋得同契步履野風輕漸露遮花屋初飛隔水鶯松
夢綠詩鈔

三

杉何歷落泉石自空明羨爾坐禪者塔焉無所營

絕句

北山之北南山南碧玉春流如玦環老僧結箇黃茆屋
遍種梅花不出山

夢綠詩鈔一卷僧野蠶著先大父手錄本也余於四方游覽所及近古編纂所載留心摭訪二十餘年絕未見其所著卽此著名二字不知其爲名歟字歟與先大父爲同時人歟前時人歟更將何從問其里閭考其生平耶茲刊先大父遺集并取而壽諸梓雖篇什無幾海內刊布諸名家集視此爲何如野公全藁或爲名山之藏余偶未之見是刻也以自識其追慕之誠其或爲六丁攫取神物久已化去而此吉光片羽不知歷幾許年先大父愛而錄之又數十年余梓而傳之俾後之覽者因此一鱗一爪而慨想夫全體之不可得見也野公在初利天中亦知此段因緣從何種得否耶余因思夫世之苦心孤詣泯沒而不彰者可勝嘆哉

昔戊子中春檣李惜菴王相識

此本流傳爲王慈雨考功所見爲抄呂湘臯序一首并述其冷祖仕遠遺事郵寄因得少詳野公家世其詩曾一再刊都一百六十餘首余託友人訪之中州如得擬重梓之茲補載一序并識此志以跋之乙未秋日

